

გოგა მამუკელაშვილი დარაჯი კრინტს ძრავს!..

პიესა უწყვეტ მოქმედებად.

პერსონაჟები

დარაჯი

გზისპირელი

მშვინვიელი

მედეა

ოიდიპოსი

იოკასტე

რეჟისორი

რეჟისორის ასისტენტი

სცენა

სცენის შუაში, სამსართულიანი, კიბეებიანი ნაგებობა დგას. პირველი სართული განასახიერებს ქუჩის ტროტუარს, მეორე - სასაფლაოს, რომელზეც ცარიელი თავახდილი კუბოა განთავსებული, ხოლო მესამე - მთის მწვერვალს, რომელზეც ხის უზარმაზარი ჯვარი დგას. პირველ და მეორე სართულებს შორის სათავსო უჯრაა, რომელიც ცარიელი და ღიაა. ნაგებობის მარჯვენა მხარეს დგას ოთხკარიანი დეკორაცია, მისგან მოშორებით ფორტუკიანო, ხოლო მარცხნივ - ფოლადის იასამანი. სცენის დანარჩენ იატაკზე სიმეტრიულადაა განთავსებული 3 ფოლადისავე კაკტუსის ქოთანნი, უზარმაზარი სანაყი, ფილთაქვა, ჰორიზონტალურად დადებული იალქანი, საქალაქო, თხილის ჯოხი, წალდი, ბაგა და უნაგირი.

ნაგებობის მესამე სართულზე, ჯვართან, თავჩაქინდრული გზისპირელი დგას ზურგით. სცენის მარჯვენა კუთხეში მშვინვიელია სანადირო თოფით ხელში, ჭრელი კოჭამდე კაბა აცვია. მარცხნივ კი ფეხშიშველი დარაჯია, რომელსაც პერანგზე სისხლი აქვს შემხმარი. ნაგებობის პირველ სართულზე, ქუჩის ტროტუარზე, იოკასტე, მედეა და ოიდიპოსი არიან ჩამუხლულეები. მუცლებზე თოკები აქვთ მობმული ჭიპლარებივით, რომლითაც ოიდიპოსი და იოკასტე მედეას ხოლო მედეა კუბოს უკავშირდებიან. სცენის კიდეზე ბორბლებიან პლაცდარშზე ფირის კინოკამერა დგას, ობიექტივით დარაჯისაკენ მიმართული. მარცხენა კულისიდან საქმიანი ნაბიჯით შემოდის რეჟისორი, შერა კამერისკენ აქვს და უყოყმანოდ მიემართება მისკენ. უკან ასისტენტი მოჰყვება დაბნეული მანერითა და თვალების ცეცებით. რეჟისორი კამერასთან დაჯდება, თავს დარბაზისაკენ

მატრიალებს და მონოკლით შუქს შეამოწმებს, მაყურებელს არ შეიმჩნევს, ასისტენტი მის გვერდით მომლოდინედ შეჩერდება.

რეჟისორი

(მონოტონურად)

გამოცხადება იოანესი:

„მე ვარ ანი და ჰოე, პირველი და უკანასკნელი; რასაც ხედავ, დაწერე წიგნში და დაუგზავნე შვიდ ეკლესიას.“

წერილი ამბობს:

„ვიცი შენი საქმენი: შენ არც ცივი ხარ, არც ცხელი. ო, ნეტა ან ცივი იყო, ან ცხელი! მაგრამ რაკი ნელ-თბილი ხარ შენ, არც ცივი და არც ცხელი, ამიტომ ამოგანთხევ ჩემი პირიდან. ვინაიდან შენ ამბობ: მე მდიდარი ვარ, გავმდიდრდი და არაფერი მაკლიაო. ის კი არ იცი, რომ უბედური ხარ და საცოდავი, დატაკი, ბრმა და შიშველი. მე გირჩევ, იყიდო ჩემგან ცეცხლით განწმენდილი ოქრო, რომ გამდიდრდე, და თეთრი სამოსელი, რომ შეიმოსო და აღარ ჩანდეს შენი სიშიშვლის აუგი, და თვალის მალამო, რათა წაიცხო თვალებზე, რომ ხედავდე. ვინც მიყვარს, მათ ვამხილებ და ვწვრთნი. აბა, ეშურე და მოინანიე.

აჰა, ვდგავარ კართან და ვრეკ. თუ ვინმე მოისმენს ჩემს ხმას და გამიღებს კარს, შევალ მასთან. მე მასთან ვივახშმებ და ის ჩემთან.

გამარჯვებულს გვერდში მოვისვამ ჩემს ტახტზე ისევე, როგორც მე გავიმარჯვე და დავჯექი ჩემს მამასთან მის ტახტზე. ვისაც ყური აქვს, ისმინოს, რას ეუბნება სული ეკლესიებს.“

რეჟისორი კვლავ კამერისკენ შებრუნდება, მარჯვენა ხელის დაქნევით ასისტენტს ანიშნებს, რომ გადასაღებად მზად არის და ეს უკანასკნელიც, შემდგომს, კამერიანად გააგორებს უკან, კულისებში. რეჟისორი გზად ობიექტივს ჯერ დარაჯიდან გზისპირელზე გადაიტანს, ხოლო შემდეგ კი მშვინვიელზე და თვალს მიეფარება.

მშვინვიელი

თავს ზეცაში ადაპყრობს და ხელებს თოფიანად გაასავსავებს.

(მთრთოლვარედ, თითქმის ყვირილით)

ბატნარში ფოთოლი ვარდებოდა,

დაბრძენებული ხეების ცისფერი სიზმრები გატეხილ ქვათა ამაო ქმენას

მიშტერებოდნენ. კამკამა მდინარეები მედგრობას ველარ ეგუებოდნენ.

დარაჯი თავს ფოლადის ბუჩქებისკენ შეატრიალებს, გზისპირელი ჯვარს ხელით შეეხება.

გაბოზებული, გამხდარი იასამანი ბარდნიდა მშვინვიერებას. უშემოდგომო ტოტთა

სიყვითლე აძლობდა მაყურებელთა მოცარულ სევდას.

ახლოვდებოდა მეძავის ქორწილი.

გზისპირელი ერთბაშად ჩაეხუტება ჯვარს, დარაჯი დაიჩოქებს და თავს ხელებში ჩარგავს.

მედროვე ვარდები, კუჭავსილები, ჰყვოდნენ გარდასულ დროთა უფერულ დღეებს. ჩრდილოეთიდან, ბალისკენ მიმავალ, უდაბურ ბილიკზე ჩნდებოდა ლანდი, რომელსაც თან სღვდა ატეხილ ქართა მგრგვინავი მღუმარება.

გზისპირელი განწირული ხმით შეჰყვირებს და მუხლებზე დაეცემა, დარაჯი თავჩარგულ ხელებს იატაკზე დაყრის და ოთხზე დადგება, მშვინვიელი რამდენიმე ნაბიჯს სცენის კიდისკენ გადადგამს და ნევროტულად დასცემს ბოლთას.

მშვინვიელი

(აფორიაქებულია)

მგრგვინავი მღუმარების უკუნ სიბნელეში, შიშის მორევში, გაგულისებული პატრიარქატის ტყვეობაში სულს, რომ ვლაფავდი. სიზმარმხილველნი ნუგემის საცემლად გაიძახოდნენ: დარაჯი კრინტს ძრავს! ნუ გემინია! დარაჯი კრინტს ძრავს!.. მაგრამ დარაჯი, როგორც ყოველთვის, როგორც სამყაროს დასაბამიდან, მღუმარედ იღგა.

თვალის ცეცებით, ქუთუთოების უტყვი პაჭუნით, მემატთანის კალმისტრის მსგავსი ენის წკლაპუნით, ჟამებს აღწერდა.. არ ერეოდა!

მშვინვიელი ოთხზე დამდგარ დარაჯს ფეხების ბაკუნით მიუახლოვდება, დარაჯი ოთხით შეეცდება კულისებში გაქცევას, მაგრამ მშვინვიელი თოფ მოუღერებ და დარაჯი თავს მკლავებში ჩარგავს საჯდომ აპრეხილი.

მშვინვიელი

(მრისხანედ)

სად მიიძურწები, დარაჯო?!

(პაროდით)

დარაჯი კრინტს ძრავს! ნუ გემინია! დარაჯი კრინტს ძრავს! აა-ჰა-ჰა-ჰა-ჰა.. დარაჯი კრინტს ძრავს! ნუ გემინია! დარაჯი კრინტს ძრავს!

(დამცინავად)

უუნარო ხარ, სასოწარკვეთილი და აკანკალებული სადაცაა შველას მოიხმობ, მაგრამ მშველელი იქნება განა?!

ხმა ამოიღე, „დაძარი კრინტი“, მავედრებელთა შვების მომგვრელო, ხმა ამოიღე, რაო, არ ესმით?! არ გცემენ პასუხს?! ჰაა, როგორია უმოქმედობა?!

დარაჯი კრინტს ძრავს! აა-ჰა-ჰა.. ნუ გემინია! დარაჯი კრინტს ძრავს!..

მშვინვიელი დარაჯის დამცირებით გულს რომ იჯერებს, თოფს იატაკზე დააგდება, ოთხზე დამდგართან ჩაიძუხლებს, ერთი ხელით ქუჩოში სწვდება, მეორეთი მის პენის ჩაბღუჯავს და ყურში ჩასძახებს.

მშვინვიელი

(მოჩვენებითი თანაგრძნობით, ნიშნის მოგებით)

მგრგვინავი მდუმარების უკუნ სიბნელეში, შიშის მორევში, გაგულისებული მატრიარქატის ტყვეობაში სულს, რომ დაღაფავ, გულთმისანები ნუგეშის საცემლად დაგიძახებენ: დარაჯი კრინტს ძრავს! ნუ გეშინია! დარაჯი კრინტს ძრავს!.. მაგრამ დარაჯო, როგორც ყოველთვის, როგორც სამყაროს დასაბამიდან, განაგრძობ მდუმარედ დგომას.

თვალის ცეცებით, ქუთუთოების უტყვი პაჭუნით, მემატრიანის კალმისტრის მსგავსი ენის წკლაპუნით, ჟამებს აღწერ და არ ჩაერევი!

უეცრად, ჯვართან ჩამუხლული გზისპირელი ასლუკუნდება, მშვინვიელი მას გახედავს, თოფს ხელს დაავლებს და წამოდგება. გზისპირელი თანდათან ჩანასახის ჰოზაში წვება და ახალშობილივით მოთქვასმს. მშვინვიელი ბრაზისაგან კბილებს დაადრჭიალებს, ფეხს დააბაკუნებს და აფორიაქებული თვალებს ააბრიალებს.

მშვინვიელი

(მბრძანებლურად)

გზისპირელო! გზისპირელო მეტეი! მორჩი სლუკუნს, შე წვინტილიანო! წელში გაიმართე! გზისპირელო, ჩქარა, ფეხზე! ფეხზე, სანამ დაგახალე ტყვია შუბლში!

მშვინვიელი თოფს მოუდერებს, გზისპირელი სლუკუნით წამოდგება, ცრემლების ღვრას არ წყვეტს, მხრებსა და წელში მოხრილი კანკალებს, ხელებს უბეზე იფარებს. მშვინვიელი გაცოფებული შეაქცევს ზურგს, თოფის კონდახს იატაკზე დააბრაზუნებს, დარბაზს მიმართავს.

მშვინვიელი

(წყენით)

რა უქენით ჩემს გზისპირელს?! ხომ გინახავთ, თავის მკლავებს გალავნად, რომ შემოარტყამდა ხოლმე ჩემს მცირე წელს და ჩემსავე მარტოობას დარაჯობდა?! მე თქვენ გეკითხებით, რა უქენით მეტეი ჩემს გზისპირელს?! რომელმა მოსპეთ და დააძაბუნეთ! სად არის კაცი, რომელზე ოცნებაც შიშით ზარდაცემულ ქარს ხის ფულუროში გამოამწყვდევდა?! ეს, ის ცისარტყელაზე მოარული გზისპირელი აღარაა, ვისი ბაგეც დღე მუდამ ჩემს სახელს გაიძახოდა: მშვინვიელოო..

მშვინვიელი თვალებს ხუჭავს და მოგონებებით მოთაფლული განაგრძობს მონოლოგს. მშვინვიელოო!

მოგიტანე მთაგრეხილი, სავსე, უღელტეხილებით.

მოდი, სულში ჩაიკარი მწვერვალი და ჩემი გული.

ქვედაბოლოდ მოიქარგე, ცისარტყელა, ვარსკვლავებით.

ღრუბელნარი დაგიმშვენოს, უბემ, კალთით მოარული.

მშვინვიელოო, მშვინვიელოო!

ნეტარი ღიმილით მოგვრილი მშვინვიელი უცბად გამოფხიზლდება, თვალებს გაახელს

და თოფს მაყურებელს მოუღერებს.

(მუქარით)

აღიარე! ახლავე აღიარე! სად დამალე გზისპირელი რომლის სუნთქვაც ღრუბლებს ეშენდა?! ანდაც ფაშატი რა იქნა, მისი, შავი, კუნთმაგარი?! ან ხომალდი სად დამალე, მისი, აფრით მონაქარგი, ვეშაპებზე მონადირე, აიზბერგთა გამგმირავი?! ან მანქანა სად წავიდა, 1001 ცხენის ძალით, მისი, მძლავრი, ბორბალთმხვრელი?!

გამოუშვით გზისპირელი, შემომარტყას გალავანი, გამიფინოს ხალიჩებად ხმელეთი და ოკეანე! გამოუშვით გზისპირელი, რომ მომიძღვნას ზერა რიდედ!

მე არ მჯერა, არ მჯერა, რომ ეს კაცია გზისპირელი, არ მჯერა, რომ მე ვიყავი უსუსური და მის სლუკუნს ლომის ღრიალს ვამგვანებდი.

მე ვეფხვი ვარ, გესმით?! ვეფხვი.

გზისპირელი კი ლომია, ჩემი ლომი, მედგარი და მომხიბლავი, მე კი ვეფხვი, მისი ვეფხვი, მომლოდინედ შეუვალი.

ხმა გამეცით! ნუთუ მე ვარ უსუსური! აბა სცადეთ და უმწეო დამიძახეთ. მე არ მჯერა, რომ ამ კაცის მაყვლის ღობეს გალავნობას ვაბრალებდი

გზისპირელი

(სლუკუნით)

მშვინვიელო, მშვინვიელო, მშვინვიელო..

მშვინვიელი აცნობიერებს საკუთარ წარსულ უსუსურობას, ხვდება, რომ მოსლუკუნე ნადმვილად გზისპირელია, თვალებს იმედგაცრუებით ხუჭავს, სახეს მწუხარებით მანჭავს, თოფს ვერტიკალურად იკრავს მკერდზე, მძლავრად უჭერს, მთელი სხეულით თრთის, გზისპირელისკენ ერთბაშად ტრიალდება, მიზანში იღებს, ერთხანს იცდის, გზისპირელი შიშისაგან კიდეც უფრო მოიბუზება, მეტად ასლუკუნდება, მშვინვიელი ჩახმახს გამოკრავს, ერთბაშად მიტრიალდება დარბაზისაკენ, თოფს ხელს გაუშვებს და მუხლებზე დაეცემა.

გზისპირელი ნაგებობის მესამე სართულზე შებორძიკდება და ერთბაშად გადმოეშვება სცენის იატაკზე, იოკასტეს, მედეასა და ოიდიპოსის წინ დაეცემა,

მშვინვიელი ტირილს იწყებს, ხელის მტევნებს მკერდზე იცემს და თვალებს მალლა ალაპყრობს.

მშვინვიელი

(მელანქოლიური მოთქმით)

მოკვდა სიამე,

გაქრა თვალთ კრთობა.

წაიღო ქარმა, ის,

რაც მიყვარდა.

სიჩუმე სუფევს, დასაბამიდამ,

დღემდე,

როდესაც მოკვდა მშვენება.

ნესტან-დარეჯან, შენი სინაზე,
მიხრა და მოხრა ანგელოზისა,
გთხოვ,
დამიბრუნე, ის, რაც მიყვარდა.
ის, ვინც ქარბუქმა წინ წარიმძღვარა.

მშვინვიელი თავს ჩაქინდრავს და გაშეშდება. დარაჯი ფრთხილად წამოყოფს თავს და წამოჯდება.

ოიდიპოსი წამოდგება, გზისპირელის ცხედარს მხარზე მოიგდებს და ნაგებობის მარჯვენა კიბეს შეუდგება. ნაბიჯების ხმა მშვინვიელსა და დარაჯს ერთბაშად დააფრთხობს, ორივე წამოდგება, მშვინვიელი თოფს აიღებს და დარაჯს გადაუგდებს. დარაჯი სწრაფად მიიტანს თოფს ნაგებობასთან, პირველ და მეორე სართულს შორის სათავსო უჯრამი ჰორიზონტალურად შედებს, უჯრას მიხურავს, ნაგებობის მესამე სართულზე აირბენს და ჯვარს თვითნებურად გაეცმება. ამასობაში ოიდიპოსი გზისპირელს კუბოში ჩააწვენს, თავს დაახურავს და დარბაზისაკენ შეტრიალდება. მშვინვიელ ფორტეპიანოს მიუჯდება და მძაფრი მუსიკის დაკვრას დაიწყებს.

ოიდიპოსი

(დაბნეული მწუხარებით)
მოკვდა.

აქამდე გაშეშებულ მედიას სახე ერთბაშად გაუბრწყინდება და ხელებს აღაპყრობს.

მედია

(ზღვარგადასული აღტაცებით)
ჩაძაღლდაა!

იოკასტე ხელებით მუხლებს დაეყრდნობა.

იოკასტე

(ძალდატანებით)
განუტევა საწყლად სული!

იოკასტე და მედია სცენაზე, ხოლო ოიდიპოსი ნაგებობის მეორე სართულზე მიმოსვლას იწყებენ და ერთმანეთს მიმართავენ.

ოიდიპოსი

ნეტავ მიწად რა დატოვა.

მედია

ახია, რომ განს გავიდა!

იოკასტე

ღმერთს კარგები მიჰყავს მხოლოდ!

ოიდიპოსი

რატომ, რა ეჩქარებოდა!

მედეა

აა-ჰა-ჰა, ნუ მაბჟირებ არსებით გთხოვ!

იოკასტე

ვუერთგულებ მარმარილოს მძიმე ქვამდე!

ოიდიპოსი

გავბოზდები, როგორც უწინ!

მედეა

მე მის საფლავს გადავაფსამ!

იოკასტე

დღით თუ ღამით თაფლის სანთელს ვუგიზგიზებ.

ოიდიპოსი

მხურვალეებით მოცულ ხსოვნას იმ დიადი პენისისას აწი გულით დავატარებ!

მედეა

მე მის პერანგს სატრფოს ვუძღვნი!

იოკასტე

მე მის საცვლებს გასარეცხად განვამწესებ!

ოიდიპოსი

მე მის ჰალსტუხს ჩამოსახრჩობ გაქნილ კვანძად გამოვყუღფავ!

მედეა

ვპოვე, როგორც იქნა შვება!

იოკასტე

ჯერ მოიცათ საკმეველი მოვიტანო!

გზისპირელის სიკვდილით აღტაცებული მედია საკუთარ თმაზე თამაშით ოცნებებში ჩაიძირება, ხოლო ოიდიპოსი და იოკასტე წაკინკლავდებიან.

ოიდიპოსი

უფლებას არ მოგცემ მას პატივი მიაგო, მეწველო ძროხავ!

იოკასტე

ჩექმა მომეცი შე ავადმყოფო, შიგ ნასკებია, უნდა გავრეცხო!

ოიდიპოსი

მოიცა, მე ხომ ვერ გადავწყვიტე, საფლავზე მოვფსა თუ ჯერ ჩექმებში?!

იოკასტე

როგორ ბედავ, რომ რქები დაადგა, უმადურო ძუკნა?!

ოიდიპოსი

რა შენი საქმეა მე ვისთან დავწვები, მათხოვარო?!

იოკასტე

ახლავე ილოცე მისი სულისთვის, თორემ ყელს გამოგჭრი!

ოიდიპოსი

მამაო ჩვენო, წყუულიმც იყოს გზისპირელის უგვანი სული! აა-ჰა-ჰა-ჰა-ჰა..

გაცხარებული იოკასტე, მეორე სართულზე მდგომ ოიდიპოსს მუხლებში სწვდება, რომ ჩამოაგდოს, სანაცვლოდ სილას მიიღებს სახეში, მაგრამ არ ნებდება. მათი ჩხუბი ოცნებებში გართულ მედიას გამოაფხიზლებს, თავს მოაბეზრებს და მათ გააშველებს.

მედია

(დატუქსვით)

მორჩით, გონებაჩლუნგებო, მორჩით, აჰა, ხომ ჩაძაღლდა! შერგების დროც მოახლოვდა! ვერ ხედავთ, რომ მისთვის რისხვამ გულთმისნობა დაგიბინდათ? მორჩით მეთქი თქვე ქაჯებო! გონს მოეგეთ, გაიხედეთ, თავისუფლები ხართ ყველა, გაუსინჯეთ ენით გემო ზეცის უკიდვანობას! გაიქეცით, ინავარდეთ, დაიპყარით მთა და ბარი. მიეცით ქარს ნება თქვენი, აგიშალოთ ეგ მონური, გადაკრული ნაწნავები. აბა ჩქარა, მკვირცხლად, აჩუ! აჩუ!

მედია იოკასტეს საჯდომზე ხელს წამოართყამს და ოიდიპოსს მოაშორებს, მაგრამ იოკასტე არ ჩერდება.

მედეა

ვოუ, ვოუუუ, ღრრ, ღრრ, მშვიდად, მშვიდად, აი ასე, ნულარ ღელავ, ნაზად, ლაღად!

იოკასტე მშვიდდება, ზურგს სახეგაბრწყინებულ ოიდიპოსს აქცევს და ჩერდება. მედეა მასწავლებელივით იწყებს ბოლოთის ცემას.

მედეა

(დამრიგებლურად)

შესაგნები დაგვრჩა მხოლოდ მაკრატელის არსებობა. მივიწყებულ, დაოკვებად, მღვრიე აუცილებლობას, ჩვენში სძინავს, ვეღარ უწყობს ხელს თვითგამომხატველობას. გავადვიდით უნდა ყველამ მიძინებული განწყობა, მაკრატელი ჩვენს ხელთაა, მკაფიოა უცხადესად და ჩვენს მუცლად გამობმული, აბლაბუდა ჭიპლარების წარმოსახვითი მდგრადობა, ძირში მოვჭრათ, საგანგებოდ ავუმხედრდეთ გზისპირელის მორცხვ მოძღვრებას, რომელითაც ჭიპლარ-ჭიპლარ გადაგებათ ყველა ჩემთან, მე კი მასთან. გახსოვთ? ესეც არ იკმარა, ფილაქანზე მიყინული ლამპიონის, გამომწყვდეული ნათების სახე-ნატად, მთვარეული სიკაშკაშე გადევნილი ჩვენი ექოდ, მოზომა და შემოსაზღვრა. ძირში მოვჭრათ გზისპირელის მოძღვრებისგან გამოზრდილი ჭიპლარები, ხოლო შემდგომ გსურთ აგროვეთ ნასკები და ტრუსიკები, გნებავთ თაფლის მადლსანთლები და თუ მოგეპიტნავებათ - ბანჯგვლიანი პენისებიც.

მედეა სამსართულიანი ნაგებობის მარცხენა მხარეს განთავსებულ ფოლადის იასამანთან მიდის რაღაცის ასაღებად, მაგრამ ჩერდება და კვლავ ოიდიპოსისკენ და იოკასტესკენ აბრუნებს თავს.

მედეა

(ამაყად)

მაშინ როცა ქოთნებიდან, მშვინვიელის თმის სიმებად აღმოვცენდით, ყველამ უწყით, რომ ეულად, ნებსითა თუ უნებლიედ, მე ჭადარა მერგო წილად. ამიტომაც თქვენი ბედი სხვას ეკუთვნის, ხოლო ჩემსას მე განვკარგავს, როგორც მინდა, სადაც მინდა. ვინაიდან ტოლები ვართ და სამშობლოდ ქოთნები გვაქვს, თქვენი შინა პატიმრობა მეხება და სულს მიხუთავს.

მე არ გკითხავთ, რა გწადიათ, მონობა თუ აღმაფრენა, თუმცა გეტყვით: თუ ჭიპლარის ამოძირკვას არ ინდომებთ, წელიანად გადაგხლიჩავთ!

არ გეგონოთ, რომ მე, თქვენი ბედ-იღბალი შემაზარებს, მაგრამ დამანადვლიანებს.

მედეა ფოლადის იასამნის უკნიდან უზარმაზარ მაკრატელს აძვრენს, ხელში იმარჯვებს, მშვინვიელი მძაფრ ნოტებს აიღებს, მედეა წელში იხრება, მაკრატელით ჰაერს ჭრის, ფრთხილი მონადირესავით, მუქარით დაიარება, სახეზე, შუაკვრული, გამარჯვების ღიმილი დასთამაშებს, იოკასტე ყოყმანით იბუზება მხრებში, ოიდიპოსი აღტაცებით იმარჯვებს ჭიპლარს გადასაჭრელად. მედეა დარბაზს გახედავს, მაყურებლისკენ მუქარით

მიემართება, სცენას რამდენჯერმე შემოუვლის, ნაგებობის წინ ჩერდება, მაკრატელს ჰორიზონტალურად იჭერს, მჭრელი პირით მაყურებლისკენ.

მელა

(მრისხანე მუქარით)

ჟამთააღმწერელთა კალმისტრით აღუწერელ მრისხანებას ვგრძნობ, ზეცას გავაპობ ერთი თქვენგანიც თუ გაბედავს, რომ სული კვლავ შემიხუთოს. ჩვენ, გულთმისანები, შემოქმედის მიერ დასმულნი, მიზნად დასახულ, სამყაროს მარად გამხატვრულებას უღლად ვატარებთ, თქვენს მაგიერად ვხოცავთ მამებს, ძმებსა და შვილებს და ცოლად ვირთავთ საკუთარ ღებებს, რომ შეგახსენოთ ამ ყოველივეს წყევლა მოჰყვება. როცა ხმას ვიღებთ, დასაბამიდან ვაღვიძებთ თქვენში სრულყოფის განცდას, როცა ვჩუმდებით, თვითგადარჩენის აუტანლობა გიზარავთ ყოფას.

გიხელდით თვალებს, რათა გაგეძლოთ ფათერაკი ფრინველთა ფრენით, მზერას გჩუქნიდით, რათა დაევსო მრისხანება ნადირთა ყმუილს. მაგრამ გზისპირელს, თქვენით მოვლენილს, არ დავდებთ პატივს, რომ მივუტევოთ და დავივიწყოთ ღვაწლმოსილი სირცხვილი მისი.

დროა დაგტოვოთ, რათა სიზმარი ვიქციოთ ცხადად.

გულთმისანებო, დროა გაანდოთ გზისპირელის ჯერაც უთქმელი საიდუმლო დამაშვრალ ყურებს!

პატრიარქატის გაუმაძღარი სილუეტით დანამშვენები მუხის უღელი, გადადებული მატრიარქატის გაყვლეფილ მხრებზე, ნაყოფად რკოა, შეხედვად ქველი, საკვებად უქმი. გულთმისანებო, დღეს გავიმთელოთ ტყავგადასული ლეღვი კისრები, რქების დადგომა ვიკმაროთ ვალად, მოზვერის სევდა ვიკურთხოთ მაღლად.

გულთმისანებო, გაუმხელელი საიდუმლოს გამხელის დროაა!

მშვინვიელი მძაფრ მულოდიას აგრესიულით ანაცვლებს, მელა მაკრატელს ვერტიკალურად იატაკში არჭობს მარცხენა ხელით, მარჯვენას კი მის მუცელზე გამობმულ ერთ-ერთ ჭიპლარს ჰკიდებს და ძლიერად ქაჩავს. ოიდიპოსი ნაგებობაზე შებორძიკდება, სცენაზე ჩამოვარდება, წამოდგება და წინ გამოვა, სცენის კიდის გასწვრივ მხატვრულად მოდის.

ოიდიპოსი

(ბრაზით)

გზისპირეი ძლევამოსილ მხედრიონებს თვალბრიალით განაგებდა, ხოლო როცა ხმას იღებდა, მრისხანება ღრუბლებს ქმენდა, მუსტანგ ცხენებს ერთი დარტყმით იმონებდა. მაშინ, როცა აღმოვცენდი, როცა ღაწვზე დაბადების ცრემლი შეშრა, თვალისმწველი ნათებიდან სილუეტად, სახლის ზღურბლზე გზისპირელი, მხედართმთავრად მომევილინა. მე ვიყავი პირველი ვინც, მისი მტევნის გემო სინჯა, მანამდე კი მხოლოდ ხილვა ხელის მანევრულობისა დიდად მაფორიაქებდა და სურვილებს მიღვიძებდა. მე მის მტევანს გემო მაშინ გავუსინჯე, როცა სწადდა ჩემი მოთვინიერება. დიდებისგან ბინდდაკრულმა სრულებითაც არ უწყოდა, რომ მე უკვე შინაური, კუნთმაგარი

ფაშატივით მისი ვიყავ, მუსტანგობა არა მსურდა. გზისპირელის პერანგის ქვეშ მომწყვდელი ფართე მხრები თავშესაფრად მიზიდავდა, მაგრამ მისი უმწეობა, ახლა ვხედავ არსებულა, რომ ვიაზრებ მის ფართე მხრებს, როგორც ურცხვად კუბო საზღვრავს.

ჩერდება და თავს ამაყად წევს.

(ბრაზნარევი სიამაყით)

პატრიარქატის გაუმაძღარი სილუეტით დანამშვენები მუხის უღელი, ნაყოფად რკოა, შეხედვად ქველი, საკვებად უქმი. დროოა, დროა, უღელი ჯოჯოხეთის ცეცხლს მსხვერპლად შევწიროთ და ქვეშაგებად სეტყვის ღრუბლები ზეცას მოვწყვიტოთ!

ოიდიპოსი დარბაზს ზურგს აქცევს, მედეა ტაშს რამდენჯერმე ძლიერად დაუკრავს.

მედეა

გაუმხელელი საიდუმლოს გამხელის დროა!

მედეა მეორე მუცელზე გამობმულ მეორე ჭიპლარს მოქაჩავს, ამჯერად იოკასტე წაბორძიკდება და სცენას შემოუვლის.

იოკასტე

(აღტაცებით)

გზისპირელი გალეონებს კაპიტნობდა, მისი აფრით მონაქარგი იალქანი ცას სწვდებოდა, მახსოვს აიზბერგის ხვეწნა, მის ხომალდს, რომ შეწყალებას აქადებდა, იმ ვეშაპის ზურგზე მწოლი მზის სხივებიც კარგად მახსოვს, ჩემთვის ტრფობის საზღაურად სიცოცხლეს, რომ გაასაღმა.

მახსოვს დილა ოკეანის, გზისპირელის ხომალდი, რომ ნაპირს მოსდგა, იქ დაიწყო მღელვარება, რომლის დარიც ჯოჯოხეთს თუ ეხსომება, მარდის სუნიც ჩამებუჭდა, მამაჩემის ცხედარიდან ოხშივრად, რომ აღიოდა. მაშინ, როცა აღმოვცენდი, როცა ღაწვზე დაბადების ცრემლი დამრა, თვალის მწველი ნათებიდან სილუეტად, სახლის ზღურბლზე გზისპირელი, ზღვისპირელად მომევილინა.

ამის შემდგომ, ტყვედ წამასხა და უბეზე დამიმონა, მა მათრობდა მისი ძალა, მისი ქშენა ჩემში მყოფად, მისი ჩექმით შემოსილი ნაბიჯების ხმოვანება. მაგრამ მისი უმწეობა ახლა ვხედავ არსებულა, რომ ვიაზრებ მის მწველ უბეს როგორ ურცხვად კუბო საზღვრავს.

იოკასტე ჩერდება და თავს ამაყად წევს.

იოკასტე

(აღტაცებული სიამაყით)

პატრიარქატის გაუმაძღარი სილუეტით დანამშვენები მუხის უღელი, ნაყოფად რკოა, შეხედვად ქველი, საკვებად უქმი. მაგრამ არ მშია, მე მარხვაზე ვარ!

მეღა განრისხდება და საზარლად მუყვირებს, ოდიპოსი ჩუმად ხითხითებს, მეღა ჭიპლარს მძლავრად მოქაჩავს, იოკასტე სცენის შუაგულში მოწყვეტით დაეცემა, გონს მოეგება, ოთხზე დადგება და დარბაზისკენ გაქცევას შეეცდება.

მეღა

(ყვირილით)

მოდო ააქ! მოდო შე საქონელო! სეირს გიჩვენებ! მოდო მეთქი!

მეღა ჭიპლარს ორივე ხელით ქაჩავს, იოკასტეს თავისკენ მიაგორებს, ეს უკანასკნელი ვერ უმკლავდება, გაქცევას ცდილობს თუმცა უშედეგოდ, მეღა ქეჩოში სწვდება, წხვირწინ პერპენდიკულარულად, ზურგზე აწვენს, ორივე ხელით მაკრატელს იმარჯვებს ვერტიკალურად და იოკასტეს ორივე საჭრელი პირის ქვეშ ამწყვდევს.

მეღა

(მუქარით)

აბა, უგუნურო იოკასტე, მზად ხარ თუ არა წელში გაგწყვიტო?! როგორ გგონია შენა ხარ მხოლოდ ერთგულება რომ ხელეწიფება?! გგონია რომ ჩვენ უუნარობით ვიჭრით ჭიპლარებს?! საქონელი ხარ და ზანზალაკი გაკლია მხოლოდ! მეწველო ძროხავ, აღარ გაბელო ამპარტავნება! ახლავე თქვი, რაც გულით გვწადია, თორემ ხომ იცი, მაყურებელთა ფათერაკის გაძლობაზე, რომ ხელი ავიდე. აღარ მადარდებს თვითმხილველთა განცდების დევნა, ორად გაგაპობ, სისხლით მოვრწყავს სცენის იატაკს, თუნდაც ჩვილები ესწრებოდნენ ჩვენს წარმოდგენას!

მეღა მაკრატელის ბასრ მხარეს იოკასტეს წელს ახებს, იოკასტე ხელებს იატაკს აყრდნობს და თავს წამოწევს.

იოკასტე

(შიშნარევი კანკალით)

პატრიარქატის გაუმადლარი სილუეტით დანამშვენები მუხის უღელი, ნაყოფად რკოა, შეხედვად ქველი, საკვებად უქმი. დროა კალთებში სიო შევბეროთ და სიმძიმლით ამპარტავნებულ ქანცის თიაქარს შვება მოვგვაროთ!

მეღა კმაყოფილებით მოაშორებს ბასრ პირს იოკასტეს წელს და მაკრატელს წინარე პოზაში დააბრუნებს, იოკასტეს ქეჩოში ხელით სწვდება, აყენებს, უბიძგებს, იოკასტე შიშისგან იბუზება, ხელებს ასავსაბს, სცენაზე დგება და დარბაზს ზურგს აქცევს.

მეღა

(ნიშნის მოგებით)

წალასლასდი საქონელო, მეწველო ძროხავ, ტაშს ვერ მიიღებ და დაიხსომე, არ დავივიწყებთ შენს უკმეხობას!

მედეა ჭიჭლარს კიდევ ერთხელ მოქაჩავს, დარბაზისაგან ზურგით მდგარი ოიდიპოსი შეტრიალდება, სახეზე მწუხარება აწერია, თითქოს სხვა ადამიანია.

მედეა

აბა ოიდიპოს, გაუმხელელი საიდუმლოს გამხელის დროა!

ოიდიპოსი

(მწუხარებით)

გზისპირელი ბუღალტერია, დავთრიანი და მარად მჯდომარე. დღითა თუ ღამით სამოვარზეა, რა ქნას ქირა აქვს, ვალებიც მოსდევს და შინით მოსულს, ენაჩავარდნილს ბუასილი თუ გაანმოვანებს. მე მომლოდინედ ვუზივარ სახლში, თუმცა ვიცი, რომ ისევ არ მოვა, ვხედავ მის მზერას რიცხვიდან რიცხვზე, ოფისის ფარდას ამოფარებულ ნახევარმთვარეს. ვგრძნობ მწუხარებას გულით ატარებს, უსუსურობას ფარავს სათვალთ და ამიტომაც ეს უმწეობა ეჭვის დარია მხოლოდ ჩემს თავში. მაშინ როცა აღმოვცენდი, როცა დაწვზე დაბადების ცრემლი შეშრა, თავლისმწველი ნათებიდან, სილუეტად, სახლის ზღურბლზე გზისპირელი, დავთრიანად მომევილინა. ხელი მთხოვა, გავუწოდე, ტილოს ჩვარი მომაწოდა და ტუფლები გავუწმინდე სამსახურში წასასვლელად. მაგრამ მისი უმწეობა, ახლა ვხედავ, არსებულა, რომ ვიაზრებს მის შავ თასმებს როგორც ურცხვად კუბო საზღვრავს!

ოიდიპოსი ჩერდება და თავს ქინდრავს, მედეა მუქარის მზერას ზურგში ესვრის.

მედეა

(მუქარით)

დაფიქრდი სანამ ერთგულებაზე სიტყვა დაგცდება, ძალღიშვილო!

ოიდიპოსი მედეას გახედავს, თავს დარბაზისკენ აბრუნებს, მოჩვენებითი სიამაყით გაიმართება.

ოიდიპოსი

(მწუხარედ)

პატრიარქატის გაუმაძღარი სილუეტით დანამშვენები მუხის უღელი, ნაყოფად რკოა, შეხედვად ქველი, საკვებად უქმი. დროა ნატვრები მზის შუქს ვაჩვენოთ და ჩრდილში დგომა მთვარეს მოვტაცოთ!

მედეა ტაშს კვლავ ძლიერად დაუკრავს, იოკასტეს გახედავს, თვალებს დაუბრიალებს და ისიც ძალდატანებით შემოსცნობს ხელს. ოიდიპოსი მხრებში მოიბუზება და დარბაზს კვლავ ზურგს შეაქცევს. მედეა ჭიჭლარს კიდევ მოქაჩავს, იოკასტე შებორძიკდება და დარბაზისკენ შეტრიალდება, ისიც თითქოს სხვა ადამიანად იქცაო სახეზე არაადეკვატური მხიარულება აწერია.

მედეა

გაუმხელელი საიდუმლოს გამხელის დროა, იოკასტე!

იოკასტე

(მხიარულად)

გზისპირელი მრბოლელია, ტყავის სალონი ამშვენებს მის მღელვარე წითელ მუსტანგს, ბორბალთმხვრელი, 1001 ცხენის ძალით და რეზინის ნამწვისაგან ადენილი მისი კვამლი, ნისლის მსგავსი ბინდბუნდია, თვალთან ერთად გონებასაც ისე უმაღლად დაგიბინდავს, დამთქნარებას ვერ მოასწრებ, თვალს დახუჭავ, გაახელ და მგზავრის სკამზე გაიღვიძებ, აა-ჰა-ჰა-ჰა. მაშინ, როცა აღმოვცენდი, როცა ღაწვზე დაბადების ცრემლი დაშრა, თვაისმწველი ნათებიდან სილუეტად, სახლის ზღურბლზე გზისპირელი, ბორბალთმხვრელად მომევიღინა. მანქანიდან ჩემს თეძოებს თვალი ჰკიდა, შემდეგ ხელი, უაღვირო მკლავის მოსმით სავარძელზე მიმაჯაჭვა, გაიდორბლა, ჩემი თავი იღლიაში მოიტანა, განიშარვლა და საშოში 1001 ცხენის ძალით სარცხვინველი შემილაგა. მაგრამ მისი უმწეობა ახლა ვხედავ არსებულა, რომ ვიაზრებ მის იღლიას როგორ ურცხვად კუბო საზღვრავს! აა-ჰა-ჰა-ჰა-ჰა..

იოკასტე ამაყად წევს თავს მატლა და მკაფიოდ მიმართავს დარბაზს.

იოკასტე

(ამაყი მხიარულებით)

პატრიარქატის გაუმაძღარი სილუეტით დანამშვენები მუხის უღელი, ნაყოფად რკოა, შეხედვად ქველი, საკვებად უქმი. დროა თავისუფლების დაუცხრომელი ჟინით ვისუნთქოთ და მორჩილება შვილად დავმარხოთ!

იოკასტე კვლავ ზურგს აქცევს დარბაზს, მედეა ტაშს მძლავრად შემოსცხობს, ოიდიპოსი ნაძალადევად აჰყვება, მედეა ჭიპლარს კიდევ მოქაჩავს, ოიდიპოსი დარბაზისკენ შეტრიალდება, ამჯერად ნიჰილიზმითაა მოცული მისი სახე.

მედეა

გაუმხელელი საიდუმლოს გამხელის დროა, ოიდიპოს!

ოიდიპოსი

(ძალდატანებით)

გზისპირელი ნახირშია, ბალახნარევ მინდორ-ველზე თხილის წკეპლა მარჯვედ დააქვს. ახლაც მესმის მისი ქება, იმ მეწველი კამეჩისა, მამამისი რომ მიაკლა სააღდგომო შესაწირად. უფლის მადლით მის რქოსანებს ზანზალაკი მუდამ ებათ, მეზობლების სიქველითაც დაკარგული სახლს აგნებდა. ვერ მოვყვები, მერიდება, გზისპირელის ღამის ხვევნას, ვერც მის ნაკვებებს გავისხენებ, მზით მის ღღეში არ მენახა. განთიადზე გადიოდა, მწუხრის ჟამი როცა დგება, შინ კი ბინდი მოუძღვოდა თავლის სანთლის მადევარად.

მაშინ როცა აღმოვცენდი, როცა ღაწვზე დაბადების ცრემლი შეშრა, თვალისმწველი

ნათებიდან სილუეტად სახლის ზღურბლზე, გზისპირელი, მენახირედ მომევილინა. თუმცა ახლა გასაჭირი ამკარაა უცხადესად, რადგან მისი უმწეობა, ახლა ვხედავ, არსებულა, რომ ვიაზრებ მის მარჯვენას როგორ ურცხვად კუბო საზღვრავს. პატრიარქატის გაუმაძღარი სილუეტით დანამშვენები მუხის უღელი, ნაყოფად რკოა, შეხედვად ქველი, საკვებად უქმი. დროა მშვენება ჩვენი არსების გადავიდეთ და უტიფრობა შეუქრად ვიმცნოთ!

ოიდიპოსი დარბაზს კვლავ ზურგს აქცევს, მეღა ტაშკს დაუკრავს, ჭიჭლარს კვლავ მოქაჩავს და იოკასტე დარბაზისკენ შეტრიალდება, სახე სინანულით აქვს სავსე.

მეღა

უკანასკნელი საიდუმლოს გამხელის დროა, იოკასტე!

იოკასტე

(სინანულით)

გზისპირელის ავანტიურა აჭადრაკებს ან ამელოტებს, მოთამაშე და გამომთვლელი მუდამ წუწუნებს, სულ დაღლილია თუმცა მუხლი არ ჩაუხრია და ტანსაცმელიც ხანაც თამბაქოს, ხანაც დასხმული ღვინის სუნად ყარს. სისხლით ავსილი შარდის ბუშტი კი ზოგჯერ ბუნების ძახილს ვერ ასწრებს. ჭუჭრუტანებით გარემოცული კედლების ჭერქვეშ დედაკაცობა თავად ვისურვე.

მაშინ როცა აღმოვცენდი, როცა დაწვზე დაბადების ცრემლი შეშრა, თვალისმწველი ნათებიდან, სახლის ზღურბლზე გზისპირელი, გამომთვლელად მომევილინა! მაშინაც კი მეძავისგან გაქონილი მოდიოდა და მის საცვალს დედუქციად რუხი პომადა ეგლისა. რა ვქნა გვიან დაიბადა, გულადობა არ დასცალდა, მაგრამ მისი უმწეობა, ახლა ვხედავ, არსებულა, რომ ვიაზრებ მის ცალ წინდას როგორ ურცხვად კუბო საზღვრავს!

იოკასტე სინანულით გახედავს მეღას.

მეღა

(მუქარით)

თუ მზრუნველობის შექება გინდა სჯობს რომ გაჩუმდე!

იოკასტე დარბაზს მიმართავს.

იოკასტე

(მერყევი სიამაყით)

პატრიარქატის გაუმაძღარი სილუეტით დანამშვენები მუხის უღელი, ნაყოფად რკოა, შეხედვად ქველი, საკვებად უქმი. დროა სარკეში რომ ჩავიხედოთ და უსასრულოდ, ქვეშევრდომობა ქარს გავატანოთ!

მშინვიელი დაკვრას წყვეტს, კლავიშებს აფარებს, თავს ფორტეპიანოზე დებს და იძინებს. მეღა ტაშის ცემას დაიწყებს, გამეტებითა და თავდავიწყებით ურტყამს ხელებს

ერთმანეთს, იოკასტე და ოიდიპოსის აწყვებიან. მეღა გულს, რომ იჯერებეს ხელებს განზე გასწევს სანიშნოდ, რომ საკმარისია.

მეღა

(ამაყად, ხმამაღლა)

მორჩა, სიცოცხლე მუდამ მალვაში, შიშის და ბრალის ფუჭ ეპოქაში, გზა დავიკარგოთ, გუმიანს მივენდოთ. გზადაკარგულებს, გიდად შემოგვხვდეს გმირად შობილი თავისუფლება. წინამძღოლობით, მრავლის ჩურჩულით, რომ გაგვიკაფოს ბილიკი ხიდად, ვრცელი ნაპირისის გულთმისნობიდან, ღამენათევი სიზმრების პირად. სიზმარმხილველნი ვიყავით ოდეს, მთვარის გულისთქმას ვაჟღარუნებდით ნისლნარევ ტყეში. ჩვენი ფიქრების მარდი სწორება ედარებოდა მომავლის მარხილს. მარაზმს და მირაჟს ყოფიერება აჩნდა ნასახად, კორიანტელად გაბნეული კი, ჩვენი თქმულება ყურადსაღებად ინასკვებოდა. ახლა აწმყოში, უყლორტო ბადში, ჩვენი ბაგიდან დარხეულ სიტყვებს, ისევ ისმენენ, თუმც არ იგებენ. თვალის ცეცება მემატინად გადაჰქცევიათ და ჰორიზონის უსაზღვრობა სასოწარკვეთად დაყვედრებით. ამიტომ დროთა, გულთმისანებო!

მეღა მხართან ვერტიკალურად განთავსებულ მაკრატელს სახელურში ორივე ხელით სწვდება, მოწყვეტით იჩოქებს, მაკრატელს აღმართავს, უკან იხრება და ორივე ჭიჭლარს მჭრელი პირის ქვეშ აქცევს.

მეღა

(შეშარავი ყვირილით)

დროა, უღელი მსხვერპლად შევწიროთ, გადავასახლოთ უქმი თვალეები, დაბრმავებულნი და ეჭვნარევნი. დაე უხედოდ მიტოვებულნი ოცნებას ეცნენ და დაიბანჯგვლონ. ვფიცავ გულისთქმას, დიდხანს ტირიფის ქვეშ გამომწყვდეულს, რომ ამაყი ვარ და უგზოუკვლოდ გამიხარდება, როცა ფსკერიდან მკვარე მორევი ამოგვაფრთხებს! ჰაარეეე!

მეღა გაავებული სახით ერთბაშად კრავს მარკატლის სახელურს, ჭიჭლარებს ჭრის, გადაჭრისთანავე გმინავს, მაკრატელს იშორებს, იატაკს მარცხენა ხელით მოწყვეტით ეყრდნობა, მარჯვენა ხელს მუცელზე იკიდებს. ამასობაში იოკასტე და ოიდიპოსი ყურისწამლებად იწყებენ კივილს, ადგილზე იმანჭებიან, აშკარაა, რომ ჭიჭლარების გადაჭრის შემდეგ შავი მოსასხამები კანს უწვავთ, ნელ-ნელა ძირს ვარდებიან, უღონოდ წვებიან, ადგილზე იხვევიან და იკლაკნებიან, მათი კივილი გმინვად იქცევა. მეღა ხელებს მოსასხამის სამკლაურებიდან მოსასხამში აძვრენს, ერთბაშად ცდილობს გახდას შიგნიდან, შუაზე ხევს, (ქვეშ წითელი კაბა სცმია) მაგრამ მის ზურგზე გამობმული კუბოსთან დამაკავშირებელი თოკის გამო მოსასხამი წელზე ეხვევა და უწვავს, ცდილობს თოკი მაკრატლით გადაჭრას მაგრამ ვერ სწვდება, ნებდება და მაჯებით იატაკს ეყრდნობა.

იოკასტე და ოიდიპოსი იატაკზე წვანან, ტკივილით იკლაკნებიან, ისინიც აძვრენენ ხელებს მოსასხამების შიგნით, ეთბამად გაგლეჯენ და მოსასხამებიდან, როგორც ჰეჰელა ჭუჭრიდან ისე გამოძვრებიან. იოკასტეს თეთრი კაბა აცვია, ოიდიპოსი ლურჯ-მწვანეშია შემოსილი.

მედეა

(მწარედ)

აი, როგორც იქნა გავთავისუფლდით, აწ გამოვლილი გარდაცვალების ათასწლეული უკვე წამია, მე ჩემს ანარეკლს თქვენს მომლოდინე თვალებში ვხედავ და ანარეკლში სიხარულს ვამჩნევ. თუმცა ვიშვიში ჯერ კიდევაც ვერ მოვიშალე, გზისპირელია ამის მიზეზი. დიდად ვამაყობ, რომ კალთისაგან ეგ ჭიპლარები გამოვიხსენი, მაგრამ ვაი, რომ უწინდებურად კვლავ კუბოზე ვარ გამოკიდული. ნეტავ შეგეძლოთ, რომ ჩემი მზერით თქვენს ლამაზ თავეებს წამით შეხედოთ.

მედეა ხელს ყელზე ისვამს, თავბრუდასხმული თავს შეწუხებით მიატრიალებს.

მედეა

(დამტლელად)

უკიდევანობის წყურვილისაგან ყელი დამიშრა, თვითგამოხატვის გამოღვიძებულ მოთხოვნილებას ძარღვები მსხვერპლად ეწირებიან. მანდალაში ვარ, ხოლო ფსიქეა უორობოროსის მდგრადობისა და მუდმივობის მუდამ კვამლიან ცეცხლს აგიზგიზებს. გარდუვალობა ყორღანებს შორის ჩამარხულ ნატვრას დამიორსულებს. აბა, ძვირფასო გულთმისანებო, გითმობთ მაკრატელს, ჭიპლარის რისხვას, ერთხმად, ერთმუშტად, გთხოვთ მოიმარჯვეთ, გამომასალმეთ მონისებრ ყოფას!

ოიდიპოსი ენით ხელის მტევანს ილოკავს, იოკასტე პირს აცმაცუნებს და მზერა დარბაზზე გაჰყინვია, მედეა ვერ ამჩნევს, რომ ყურს არ უგდებენ.

მედეა

(ომახიანად)

გულთმისანებო, ჰარე, დამხსენით, ჩქარა ვერ ვითმენ უღელის ახსნას!

მედეა ამჩნევს ოიდიპოსისა და იოკასტეს უყურადღებობას, თავს წინ წევს და მოუთმენლად ავლებს მზერას.

მედეა

(მუქარით)

თქვენ რა არ გესმით?! ჩქარა! აქ მოდით მაკრატლით ხელში, სანამ შევცვალებ ტონი და ტემბრი და ჩავანაცვლებ თხოვნა, მოთხოვნით!

მედეა ოიდიპოსისკენ გადაიხრება და ხელს მხარზე მოჰკიდებს.

მედეა

(აღტაცებით)

ოიდიპოს, შენ ხომ იცი, რომ ბელისწერის შემობრუნების ძვირ საზღაურად, მე წელი ჯერაც ვიშვიშით მეწვის! ოთხზე დადექი და მაკრატელი შემომიდერე!

მედეა ოიდიპოსს მხარზე მოქაჩავს, ოიდიპოსი ხელს პირიდან გამოიღებს და მედეას შეუდრენს.

ოიდიპოსი

ღრრრ, ვაფ!

ელდანაკრავი მედეა უკან გახტება, ოიდიპოსი კვლავ ხელის ლოკვას დაიწყებს.

მედეა

(შიშნარევი ბრაზით)

ახია ჩემზე, რომ ჯერ კიდევ შენი გონიერების იმედი შემომრჩენია და საშველად მოგმართავ, მომწყდი ძაღლიშვილო!

მედეა ცდილობს გამოერკვას რა ხდება, გაავებულ სახეს დარბაზისკენ ატრიალებს, კბილებს აღჭრიალებს, თავის სწრაფი დაქნევით მაყურებელს შეუდრენს, იოკასტესკენ უცბად ტრიალდება, ორ ნაბიჯში მასთან ჩნდება და გამეტებით უწყებს ცემას.

მედეა

(დაუცხრომელი, მრისხანებით სავსე ყვირილით)

იოკასტე, ცხადად ვხედავ შენ გამწირე, აღიარე საქონელო შენს მაღალ ღმერთს რა შესთხოვე?! თუ ეშმაკთან გარიგებით შეულოცე ოიდიპოსს?! მორჩი! ნუდარ იკატუნებ მაგ ლაყე თავს სავსეს ლოცვით! ჩქარა, ვიცი, რომ სადი ხარ, არც ისეთი მარტივია შენი გონის მიძინება, როგორც ყველას გვაჯერებდი! შურისგება მომინდომე?! აბა ვნახოთ, რა მოხდება, როცა წერას აგისრულებ, მაკრატლის ქვეშ მოგიყოლებ და ამჯერად მართლა ორად წელში გაგწყვეტ!

მედეა იოკასტეს ცემას წყვეტს, იოკასტე მუცელზე წევს, ფეხები მუცელ ქვეშ აქვს შეკეცილი, წამოდგომას იწყებს, ჯერ ტანს წევს ხელებით, შურას აშტერებს, ცოხვნას იწყებს, შიგადაშიგ ენას ყოფს და ტუჩებზე წრიულად ისვამს.

ამასობაში მედეა მაკრატელთან მიდის გამხეცებული სწრაფი ნაბიჯით, მრისხანებისგან ღმუის, სახელურს ორივე ხელით სწვდება, იოკასტესთან ბრუნდება, მისი დანახვისას ტანში შეფარული სიხარული გაუკრთება და მაკრატელს მუცლის გასწვრივ ჰორიზონტალურად დაიკავებს.

მედეა

(სიხარულნარევი ნიშნის მოგებით)

რაო, იოკასტე, გონს ეგები?! ვიცოდი, ვიცოდი, რომ შენ იყავი ჩვენი ნების მარცხვენალი! იცოდე, რომ არ გიშველის არც ლოცვა და არც ვედრება, აყალ-მაყალს, რომ ტეხავდი, რა გეგონა შეგარჩენდი?! არ ვაპირებ, კიდევ ერთხელ უსასყიდლოდ შეგიბრალო! აბა ჩქარა, შენი შვილიც გონს მოაგე თუ გინდა, რომ არ გაგხლიჩო!

მედეა მაკრატელს ალაპყრობს, იოკასტეს მუქარით მოუდერებს, ისე რომ მისი წელი, ერთი ხელის მოსმით გაწყვიტოს, იოკასტე მოდერებული მაკრატლის დანახვისას, თავს ინსტინქტურად აქნევს, ფეხებით უკანა ტანს ერთბაშად წევს, ოთხზე დგება და წინ იხრება.

იოკასტე

(შიშნარევი ძალდატანებით)

მმმუუუუუუ!..

იოკასტე მოწყვეტით ეძებრება მედეას, ამოუტევს, გაფითრებული მედეა შეჰკვივლებს, მაკრატელი ხელიდან გაუვარდება, ძირს დაეცემა, იოკასტე ხელ-ფეხით სდგება ზედ, ქვეშ ითრევს, გაქცევას ცდილობს, ქვეშ მოქცეულ მედეას თელავს, თან მიათრევს, ერთხანს ახოხიალებს და მოშორდება.

მედეა ტკივილისგან გონწართმეული ადგილზე ბორგავს, ადგომას ცდილობს, მაგრამ ყოველი მცდელობის შემდეგ უღონოდ ეცემა სახით იატაკს.

იოკასტე სცენის კილისკენ თავაწეული მიემართება, ძროხის მსგავსი მედიდური სიღინჯით დგამს ნაბიჯებს, ყოველი ნაბიჯის გადადგმისას თავს აქეთ-იქით არწევს, სცენის კიდესთან ჩერდება და დარბაზს მიმართავს.

იოკასტე

(ომახიანად)

მმმუუუუუუუუუუუუუუუუუუუუ!

იოკასტე მონოლოგის დასრულებისთანავე, სცენის კიდეზე, გარდიგარდმო ბოლთის ცემას იწყებს, თითქოს ჰოდინებოდა, თავი ყოველთვის დარბაზისკენ აქვს, კვლავ მედიდური სიღინჯით დაიარება, შიგადაშიგ ენას ყოფს, ტუჩებს ინამავს და ღმუის. მედეა ამასობაში ღონეს მოიკრებს, ძირს მჯდარ ოიდიპოსთან მიხობდება, პერანგზე მოქაჩავს, ოიდიპოსი ღრენას იწყებს და მედეასკენ სწრაფად ბრუნდება, შეტევას აპირებს, მაგრამ მის დანახვაზე კვლავ ძირს ჯდება ენას გარეთ აგდება და ენაგადმოგებული ქმენას იწყებს, შიგადაშიგ ნერწყვს ყლაპავს.

მედეა

(მწარედ)

იოკასტე, ოიდიპოს!

ოიდიპოსი ქშენით გახედავს იოკასტეს, ადგილიდან სწრაფად მოწყდება, ოთხით მიირბენს იოკასტეს ახლოს და ოთხზე შემდგარი შეუდრენს.

ოიდიპოსი

(ომახიანად)

ვაფ, ვაფ, ვაფ, ვაფ, ვაფ!..

სცენის კიდეზე მოსეირნე იოკასტე ჩერდება, ოიდიპოსს სასხვათაშორისოდ გადახედავს და კისერს გაბზევს.

იოკასტე

(ძალდატანებით)

მმმუუუუ!

ოიდიპოსი შინდება, ყვავას წყვეტს, უკან წკნავილით იხევს, ფეხებმორთხმული ძირს ებერტყება, კვლავ ქოშინს იწყებს, იოკასტე პოდიუშზე სეირნობას განაგრძობს, ოიდიპოსი ზურგსუკან ფორტეპიანოზე მძინარ მშვინვიელს გახედავს და მასთან მიირბენს.

ოიდიპოსი

(მოზომილად)

ვაფ, ვაფ!

მშვინვიელი იღვიძებს, თავს წევს, ხელე აწვდილი იზმორება, ოიდიპოსს უყურებს, უღიმის, იდაყვებს ფორტეპიანოზე დებს და ნიკაპს მუშტებზე აყრდნობს.

მშვინვიელი

(სიყვარულით)

გამარჯობა, ოიდიპოს, მანდ რას წამოსკუპებულხარ?

ოიდიპოსი

ვაფ, ვაფ!

მშვინვიელი

(სიცილით)

ქოფაკივით რატო მიყეფ, ჭკუა ხომ არ დაგიკარგავს?

ოიდიპოსი

ვაფ, ვაფ!

იოკასტე

(თავისთვის)
მმმუუუ!

მშინვიელი სწრაფად მიატრიალებს თავს სცენისაკენ, ღიმილი სახეზე შეახმება, იოკასტესკენ დაიძრება.

მშინვიელი

(ალერსით, სევდიანად)

ვაჰ, იოკასტე, ეს რა ჭირი დაგმართნიათ. ნუთუ უნდა ვირწმუნო, რომ შენ და ოიდიპოსმა ჩემს მოგონებებად ცხოვრებაზე ხელი აიღეთ? კი, მაგრამ რაიმე თუ განაღვლებდათ ჩემთან რატომ არ მოხვედით? ასე უცბად და უჩუმრა ვითომ რატომ გაცხოველდით? ან მედეა სად წავიდა?

მედეა

(მწარედ ხმის კანკალით)

მშინვიელო, აქა ვარ, მშინვიელო..

მშინვიელი ზურგსუკან, ტკივილისაგან გართხმულ მედეას გახედავს, რომელსაც თავი გაჭირვებით წამოუწვია.

მედეა

ვკვლები, მშინვიელო!

მშინვიელი სწრაფად მიიჭრება მედეასთან, წამოჯდომაში დაეხმარება, მკერდში ჩაიკრავს, თვალს მის ჭიჭლარს შეავლებს კუბოზე გამობმულს, ხელს მოჰკიდებს, მაღლა ასწევს, აწევსთანავე მედას სიმწრის კივილი აღმოხდება და გონს მშინვიელის მკერდზე დაკარგავს.

მშინვიელი

(მწუხარედ)

ჩემო მედეა, ამაყო და თავგასულო, ეს რა დღეში ჩავარდნილხარ?! ოიდიპოს, ჩქარა მოდი, დაიძინე და მედეას სულის სარდაფიდან კომმარები გამოდევნე!

ოიდიპოსი ოთხით მიირბენს მათთან, მედეასთან წამოწვება, თავს ხელეებზე დაიდებს და ჩათვლემს.

მშინვიელი

(სევდიანად)

მედეა, ჩემი ჭადარით მოვლენილო, ათასწლეუთა მემატთანვე, ერთადერთი ხარ, ვინც თავის წარსულს თავადვე თხზავდა, ნისლნარევე ბაღში მომავლის კვალად. უფლის დარი სამებითაა შენი მხრები დამშვენებული, ასე უღონოდ რომ მომწყვდეულან ამ ჩემი მკერდის კარ-მიდამოში. ნუთუ ეს წამი უკანასკნელად შენს ამოსუნთქვად ჩემდვენთება.

ვიცი, რომ მისმენ, ახლა ოიდიპოსი შენის ფსიქეს ღრმა სარდაფშია, კვლავ ძველებურად აღტაცებული, ჭიპლარით გებმის, მშვიდად გაყევი, ნუ გეშინია. აგურით მორთულ ლაბირინთში, რომ გზაკვალს გაიგნებს თავი დახარე, ჭერს არ მიარტყა. დაყუდებული მონასტრის გუმბათზე გახვალთ, კიდესთან მიდი და მოარულ მრევლს თვალი მოავლე, ოიდიპოსიც მაგ კიდეზეა, ამრეზით გიცქერს, შენც ძველებური თავგასულობით თვალი შეავლე. ოიდიპოსი გამომწვევად შეგიკუნტრუშებს და გადახტება, მიწაზე სახით დასანარცხებლად. გამბედაობა აქ არ გჭირდება, რადგან ჭიპლარი თავად იკისრებს თვითმკვლელობის ვალს და გუმბათიდან გადაეშვები.

ოიდიპოსი უცხბად ოთხზე ყეფით წამოხტება.

ოიდიპოსი

(ბნედიტ)

ვაააააააფ!

მეღა პირით ერთბაშად ჩაისუნთქავს, თვალედაჭყეტილი, ელდანაცემი წამოხტომას შეეცდება, მშვინვიელი გააკავებს და დაამშვიდება.

მეღა

(აგონიით)

ვერ შევძელი, მშვინვიელო, შენი როლი მოვინდომე, გზისპირელთან კავშირი, რომ გამეწყვიტა. ბევრი ვცადე, მაგრამ თავი დავიღუპე, იოკასტე და ოიდიპოსიც მე შევაცდინე. გაცხოველდნენ, იერსახე მიმოფანტეს, რჩევას აღარ დამეკითხნენ, უნებლიედ გადიდგულდნენ! არ აღმოვჩნდი შენი დარი, სიამაყემ შემაცდინა და დავმარცხდი!

მშვინვიელი

ნუ დარდობ, მეღა, შენ ხომ ჩემზე უკეთ უწყი, რომ ქამთააღმწერელის კალმისტარით დაწერილი მოგონება უკვე მოხდა, მაგრამ ჯერ არ განგვიცდია. დაიბრუნებ სიამაყეს, ხოლო ჩემი გამარჯვების საპირწონედ დაეხსნები გზისპირელის ქადაგებებს.

მეღა მშვინვიელს შიშით ახედავს და წამოჯდომას შეეცდება.

მეღა

(შეშფოთებით)

უკვე გაიღვიძა?

მშვინვიელი

(ნადვლიანად)

ჯერ არა, ჯერ თვითონაც ჯვარზე სძინავს, არ იღელვო, მანამ სანამ გაიღვიძებს მწველ ჭრილობებს მოგიშუშებ, ჭიპლარი რომ გადაგიჭრა.

დარაჯი

ხრრრ, ხრრრ, ხრრრ..

მედეა, ოიდიპოსი და მშვინვიელი ერთდროულად, ნელა ახედავენ ნაგებობას, რომლის მესამე სართულზეც ჯვარზე გაცმული დარაჯი ხვრინავს.

ოიდიპოსი

ღრრრ..

მშვინვიელი

(თხოვნით)

მორჩი ღრენას, ოიდიპოს, დარაჯი არ გააღვიძო, არ გაბედო დაყეფება!

ოიდიპოსი

ღრრრრრ..

მშვინვიელი

მორჩი მეთუი, ძაღლიშვილო!

მედეა

(უიმედოდ)

აზრი არ აქვს, მშვინვიელო, დარაჯის ხვრინვა გამძვინვარდება და ოიდიპოსს გონს დაუბინდავს. სადაცაა დაიყეფებს, იოკასტესაც აიყოლიებს და გააღვიძებს!
მშვინვიელო, მგონი ღროა, რომ ჭიპლარი გადამიჭრა!

მშვინვიელი

(ბრაზით)

დანებება არ გაბედო, მედეა, ჭიპლარი, რომ გადაგიჭრა მეხსიერებას დაკარგავ, გულთმისნების შეთანხმებულ ისტორიას თან წაიღებ. ძველებურად დარაჯს თავი ვეფხვად უნდა მოაჩვენო. კიდევ ერთხელ გაბედე და ითამაშე ჩემი როლი, გზისპირელი შეცდება და მშვინვიელი ეგონები. სარცხვინველით მოგადგება, არ უარყო, საპირწონედ როგორც აღრე ჭიპლარი და მაკრატელი გაუწოდე. დანებდი, რომ ცხარე თესლით ჭრილობები მოგიშუშოს.

მედეა

(სინანულით)

მაგრამ ასე, კიდევ ერთხელ გიდალატებს მშვინვიელო, შენ ხომ იცი როგორ მიმძიმს შველა მას რომ უნდა ვთხოვო. განა თავად არ იყავი, მის გალავანს საძირკველი, რომ მოჰგლიჯე?

მშვინვიელი

(წყრომით)

არც ქოთანია ჩემი სამშობლო და არც თმისაგან დავბადებულვარ, განსხვავებით თქვენგან, გულთხმისანებო. როცა დარაჯის საწრთვნელი შოლტი რიგად ქოთნებში ადგილს გიჩენდათ, შიგ დამარხული თმის სიმებიდან ჩემი ჭაღარა შეგხვდა გამზრდელად. ახლა იკმარე ეს საამაყო და მაშინ როცა შევუდგები უკანასკნელი ოქტავის დაკვრას, შენ იქნები ვინც მხარს დამიმშვენებს ნისლნარევ ბაღში სიზმარმხილველად.

მელა თანხმობის ნიშნად თავს ნადვლიანად უკრავს, იატაკს აშტერდება, მუხლებზე გაჭირვებით დგება, მშვინვიელი წამოდგება, მელას მხარზე ხელს დაადებს და დარბაზს გახედავს.

დარაჯი

(მძლავრად)

ხრრრ-ხრრრ-ხრრრ..

ოიდიპოსი

ღრრრრრ, ვაფ! ვაფ!

იოკასტე

მმმმუუუუუუ!

დარაჯს კვლავ სძინავს, ოიდიპოსის და იოკასტეს ყეფა-ღმული ვერ აღვიძებს, მშვინვიელს მოთმინება ეწურება, სცენის შუაგულისკენ სწრაფად მივა და დარაჯს ახედავს.

დარაჯი

ხრრრრ..

მშვინვიელი ბრაზდება, ფოლადის იასამანთან მიდის, ყვირილით ერთბაშად ანარცხებს ძირს და დარაჯს კიდევ ერთხელ ახედავს. შეშინებული ოიდიპოსი და იოკასტე ჩუმდებიან.

მშვინვიელი

(მრისხანედ, ყვირილით)

აღარ აპირებ გაღვიძებას?! დარაჯო, ღრრროოოოოააა!

წამსვე დარაჯი ხვრინვას შეწყვეტს, ძალიან ღრმად მთელი ტანით ჩაისუნთქავს, მშვინვიელი მელას გულში ჩაიკრავს და ნაგებობის მარჯვნივ მდგომ ოთკარიან ლეკორაციაში შეიმალება.

ღარაჯი აგრძელებს მთელი ტანით სუნთქვას, თავის წრიული დატრიალებით თვალებს გაახელს, მარჯვენა ხელს გაჭირვებით მოაძრობს ჯვარს, შემდეგ მარცხენას, ტანით წინ გადაიხრება, ორივე ხელის დახმარებით მოახერხებს ფეხების ჩამოხსნას და ნაბიჯს წინ წადგამს.

ღარაჯი

(ომახიანად)

ბაღნარში ფოთოლი ჩამოვარდა.

დაბრძენებული ხეების ცისფერი სიზმრები გატეხილ ქვათა ამაო ქშენას მიაშტერდნენ. კამკამა მდინარეები მედგრობას ვეღარ შეგუებოდნენ.

გაბოზებულმა, გამხდარმა იასამანმა დაბარდნა მშვენიერება.

უშემოდგომო ტოტთა სიყვითლემ გააძრო მაყურებელთა მოცარული ყურები.

მეძავის ქორწილი მოახლოვდა.

მედროვე ვარდები, კუჭავსილები აყვავდნენ გარდასულ დროთა უფერულ დღეში.

ჩრდილოეთიდან ბაღისკენ მომავალ უდაბურ ბილიკზე გამოჩნდა ლანდი, რომელსაც თან სდევს ატეხილ ქართა მგრგვინავი მღუმარება.

ღარაჯი იხრება, ხელებით მესამე სართულის კიდეს ეყრდნობა, ოთხზე დგება, თავს წევს და დარბაზს აშტერდება.

ღარაჯი

(დაფვრით)

მგრგვინავი მღუმარების უკუნ სიბნელებში, შიშის მორევში, გაგულისებული მატრიარქატის ტყვეობაში სულს, რომ დაღაფავს. სიზმარმხილველნი ნუგეშს არ სცემენ, რადგან ისინი ჯალათებად შემოხვდებიან. ჟამთააღმწერლის კალმისტარი, სულ სხვანაირად დაასახიჩრებს მელნად მარგინალს და ვინაიდან არც კაბადონზე დამიძახებენ, მე მის საშველად გავემართები და კრინტსაც დავძრავ.

ღარაჯი ნაგებობის კიდეზე დაყდნობილი თავს გადმოყოფს და მეორე სართულზე კუბოს ჩახედავს.

ღარაჯი

(ყვირილით)

გაიღვიძე, გზისპირელოო!

მეორე სართულზე, გზისპირელი ერთბაშად გამოაღებს კუბოს სახურავს, დამოეკიდება, ღრმად ჩაისუნთქავს, ღონემიხდილი და ელდანაცემი კუბოს კიდეს ჩაებღაუჭება, გვერდულად მიწვედა და თავს ფიცარზე მიაყრდნობს.

კუბოს სახურავზე ჭიჭლარით გამობმული მეღაა ინერციით გადაქანდება სცენის იატაკზე და ძირს დაეცემა.

გზისპირელი

(აგონიით)

პატარა გოგო დამეკარგა მზისფერ პერანგა

ან ავლილი ან ჩავლილი ხომ არ გინახავთ?!

გზისპირელი გაჭირვებით სცილდება კუბოს, ნაბიჯს ნაგებობის კიდისკენ ბორძიკით
დგამს, დარბაზს მომლიდინედ აშტერდება, აშკარაა, რომ რაც კი ძალა აქვს მონოლოგში
ეხარჯება და სადაცაა დაეცემა.

მზისფერ პერანგს მორევისფერი თვალებით მოსავს,

დამკარგვია მჭერმეტყველი ხელი მისი მგოსანს.

შავნაბადა ფარფატელა, გიშრისთვალა ვნებებს,

თრთოლვით დასძენს კუთხე-კუნჭულ, ქალწულებრივ ბგერებს.

ცას შეჰხარის, მიწას გლოვობს, ყელს მოიღერს და მღერს,

მომრგვინავი მღუმარების კორიანტელ ქარებს.

მოსევდისფრო ზღვისოდენა ღამეს სულში იქსოვს,

ჰარმონისფერცისოდენა არეს მარეს დაქსოვს.

არეს მარეს მონატრების დაამწუხრებს მთვარე,

ფარფატელა მოლანდება, უტყვი ფრთანარნარე.

ფრთანარნარე ანგელოზის ურცხვი მომდიმება,

ყელმოღერილ ყულფს წააგავს მისი მონატრება.

წუხანდელდამ სურნელებას მისას შემოვევლე,

წარწყმედილდამ შემორჩენილ ნაკვალევზე განვვლე.

ფარფატელა ნაბიჯების უტყვი სიო მრთავდა,

განთიადდა უმისოდ და ცრემლი კვლავ არ კმარდა.

განთიადდა უმისობით, განთიადდა ცრემლად,

სურნელებამ, მონატრებამ სულშემადრწუნებლად,

ახილათვალკოსმიურსახბაგტუჩყვირიმალეებლად.

შუხებელი განცდების ვნება დასთამაშდა,

თავმოყვარე კოცნა, ნატვრად, სიზმრად ამპარტავნდა.

შუხისსხლხორცმთელებელი სხეულებრიობა,

შუხისსხლხორცმთელებელი ბაგენშეხორცება,

შესისხლხორცებული უერთმანებით ვიხრჩვით,

ღამის ცისგან შეკერილი ყელშემოსახვევით.

შუღლებულ ნაწნავითურთ ქარბორბალურ სიმებთ,

შევღადადებ ძილღვიძილთურთ აგონიურ ზვირთებთ.

სულისშემძვრელობა მზისფრად, მთვარისეფურობით,

განთიადდა განთიადად, უგანთიადობით,

ამომფატრავსულგულსმისად ვხვდები უმისობით,

დავეხსნები, მივალ მასთან, ეულ განთიადით.

გზისპირელი უღონოდ შებორძიკდება, ნაგებობის მეორე სართულიდან პირველი

სართულის ქუჩის ტროტუარზე ჩამოვარდება, იატაკზე უგონოდ გაერთხმება.

გზისპირელის ვარდნით შეშინებული მეღეა ადგილზე შეხტება, მაჯებით წელის გასწვრივ

იატაკს დაეყრდნობა და გზისპირელს ღელვით მიაშტერდება.
დარაჯი მესამე სართულიდან ფრთხილად გადმოხედავს სცენას, ნელ-ნელა დგება,
თითქოს სხეულის სიმძიმეს ვერ ძრავს, დარბაზს აშტერდება და კიბით მეორე სართულზე
ჩამოსვლას იწყებს.

დარაჯი

ქუჩის ტროტუარს მირინდებულ მოზვერსა სევდას,
ყურს არ დაუგდება გზისპირელის ურჩი გოდება,
დაადმაფრენა გაედება ხიდად მომრევ დასს,
დასს მონატრების ბურუსს მოგვრის გულზე ლოდებად.
სიზმარმხილავის გზისპირელი ბინდბუნდის ჭიშკარს,
ოდეს შეაღებს - უმალ სატრფოს მორევის თვალებს,
სადაცა სძინავს მოზვერ სევდას, მოღრუბლულ ცისკარს -
აღარ ენდობა ნაბიჭვარი და გააწვალებს.
ამპარტავნებულ შურისგებას, სევდა მოზვერი,
გარს შემოავლებს მორცხვად მკლავებს, გარიჟრაჟდება,
ფარფატა მკერდში ვეება გულს, ვითა მოზვერი,
ეწვევა ბორგვა, ზვირთი ცრემლით დაორსულდება.
მაგრამ ბინდბუნდელ გზადაკარგულს, მოსულს გზისპირად,
ვერას შეაგნებს, ბურუსიდან გამოცრის უარს.
კვლავ დადონდება, არ გაჰყვება ხრიოკს, მზისპირად,
და მიარინდებს მოზვერ სევდას ქუჩის ტროტუარს.

მედია გზისპირელს აშტერდება, დარაჯი სცენაზე ჩამოდის და გზისპირელის გვერდით,
სახით დარბაზისაკენ ჩერდება, ხელებს უბეზე იწყობს.

დარაჯი

(ინტერესით)
აქ რამ მოგიყვანა, გზისპირელო?

გზისპირელი

(მონოტონურად)
გარდავიცვალე.

დარაჯი

კარგად ვიცი რომ გარდავიცვალე. მითხარი როგორ!

გზისპირელი

შიდსმა მომიდო ბოლო.

დარაჯი

სად გარდაიცვალე?

გზისპირელი

გზაზე.

დარაჯი

ქვა-ღორღზე?

გზისპირელი

ტროტუარზე.

დარაჯი

წუხხარ?

გზისპირელი

არა.

დარაჯი

რატომ?

გზისპირელი

სიკვდილი სამწუხარო მხოლოდ ცხედრის ახლობლებისთვისაა.

დარაჯი

აა-ჰა-ჰაჰ. ერთხელაც იქნება და შემიწირავს შენისთანა უგზოუკვლოდ მოხეტიალეთა ჰეროიკული პოეზია. ტროტუარზე რას აკეთებდი?

გზისპირელი

მივდიოდი.

დარაჯი

სად?

გზისპირელი

არ ვიცი, უგზოუკვლოდ მივდიოდი, ფიქრებს მივუყვებოდი.

დარაჯი

ჰა-ჰა-ჰა, ნამდვილად შემიწირავთ. ფიქრებს რაზე?

გზისპირელი

სინანულზე.

დარაჯი

რას ნანობდი?

გზისპირელი

აუცილებელია, რომ გითხრა?

დარაჯი

(წყრომით)

მე ყველაფერი კარგად ვიცი, გზისპირელო, ხომ იცი, რომ ეს დაკითხვა მაყურებლებისთვისაა?

გზისპირელი

თავად ვინ ხარ?

დარაჯი

(ამყად)

მე დარაჯი ვარ!

გზისპირელი ნელა აბრუნებს თავს დარაჯისაკენ, დარაჯიც საპასუხოდ ატრიალებს თავს, მათი მზერა გადაიკვეთება და კვლავ საპირისპიროდ გაიხედავენ.

გზისპირელი

სიცოცხლის მეგზური ვერ ვიპოვნე.

დარაჯი

(ნიშნის მოგებით)

ვერ იპოვნე?

გზისპირელი

ვერ შევინარჩუნე.

დარაჯი

ქალი?

გზისპირელი

ქალი.

დარაჯი

ლამაზი?

გზისპირელი

ლამაზი.

დარაჯი

ყველაზე ლამაზი?

გზისპირელი

ყველაზე ლამაზი, თუმცა მისთანები ბევრნი არიან.

დარაჯი

ეგ როგორ?

გზისპირელი

ყველაზე ლამაზი ქალი შვილმკვდარი დედაა.

დარაჯი უეცრად წინ მთელი ტანით გადაეშვება და სახით იატაკს გაერთხმება, ერთხანს სიჩუმეა. გზისპირელი არ ტოკდება.

დარაჯი

(ქილიკით)

ხომ გითხარი, შემიწირავთ მეთქი?! აა-ჰა-ჰა-ჰა.

დარაჯი გაბადრული სახით ცალ მუხლზე დგება, მკლავებით მეორე მუხლს ეყუდება, სიცილს ძალდატანებით იკავებს.

დარაჯი

(გამომცდელად)

რაიმე თუ გაინტერესებს, გზისპირელო?

გზისპირელი

მაინტერესებს.

დარაჯი

შეგიძლია მკითხო.

გზისპირელი

სად ვართ?

დარაჯი

(უკმაყოფილოდ)

ამქვეყნიურში! რამე უფრო ღირებული მკითხე!

გზისპირელი

რა არის კაცობრიობის ყველაზე დიდი მწუხარება?

დარაჯი

(ბრაზით)

ვინაც აწუხებს მშფოთვარებას იასამნისას, იგი თავს იძვრენს სიყვარულის უღელისაგან!
ჯანდაბა, გზისპირელო, რაც მაგ ტროტუარს მიეფილაქნე მას შემდეგ მხოლოდ ერთი
რამ გიღრღნის ჭკუას, ბოლოს და ბოლოს მკითხავ თუ არა?!

დარაჯი ბრაზით სწრაფად გახედავს, გზისპირელი თავს ნელა ატრიალებს მისკენ, მზერას
შიშით უსწორებს.

გზისპირელი

(გაუბედავად)

ის.. აქ არის?

დარაჯი გაუღიმებს, წამოდგება, ხელებს კვლავ უბეზე დაიწყოებს და დარბაზს გახედავს.

დარაჯი

(ომახიანად)

აღეცი და ჩემთან მოდი, გზისპირელო!

გზისპირელი მოულოდნელად მკვირცხლად დგება და დარაჯთან დიდი ნაბიჯებით
მიდის, დარაჯი მას ბეჭებზე ხელს ხვევს და სცენაზე წრის დარტყმას იწყებენ.

დარაჯი

(ამაყად)

ის აქ არის, მათ შორის! ერთდროულად ერთია და ყველა ერთად, შენზეა
დამოკიდებული თუ რომელი მათგანი აღმოჩნდება საბოლოოდ.

დარაჯი და გზისპირელი მუდუასთან ჩერდებიან.

გზისპირელი

(აღტაცებით)

ვინ არიან?

დარაჯი

(სევდანარევი სიამაყით)

ვეღარ სცნობ არა?! ეგენი ერთ ღროს გულთმისანები, შენს ენაზე პერსონაჟები იყვნენ, ნაწარმოებად ყოფნას თავმომწონედ სჯერდებოდნენ. როდესაც უპორიზონტო ძილს მივეცი თავი, მაყურებელთა ფათერაკის გაძღობა და მრისხანების დავსობა მათ დავაკისრე. მაგრამ გამოჩნდა მშვინვიელი, ნაწნავები მოიგლიჯა, პერსონაჟების მწირი ბიოგრაფიების უფსკრულზე საკუთარი მოგონებები ხიდად გადააღაჯა და გულთმისანები სიზმარმხილველებად გადააქცია.

გზისპირელი

(ბაკვირებით)

მშვინვიელი ვინლა არის?

დარაჯი

(სევდიანად)

ეჰ, წარმოდგენა არ მაქვს, გზისპირელო, მაგის გარკვევა შენ გევალება. რაც თავი მახსოვს ისიც აქაა. მხცოვანებით მე მიტოლდება ან უფროსია. შენისთანები ბევრნი მოსულან, არაერთი დანებებულა, დამარცხებით კი ყველა დამარცხდა. მეც სხვა რა გზა მაქვს. როცა ვიღვიძებ მშვინვიელი ხან ნიმფა მგონია, ხან დედოფალი, ხანაც თოლია.

დარაჯი გზისპირელს ხელს ბეჭებში არტყამს, ორივე გულიანად გადაიხარხარებს, დარაჯი შორდება, ნაგებობის მეორე სართულის კიდეზე ჯდება. გზისპირელი მედეას ჭრილობებს ამჩნევს და მასთან იცუცქება, დარაჯს გახედავს.

გზისპირელი

(დარდიანად)

დარაჯო, მგონი ეს ვეფხვი გასაჭირშია.

დარაჯი

(ძალდატანებით)

ეგ ვეფხვი, შენი დაა - მედეა.

გზისპირელი

(გაოგნებით)

მოიცა, და მყავს?

დარაჯი

გყავდა, გვამს ნათესაობა აღარ სჭირდება. მას შენთან აღარაფერი აკავშირებს აღგილსამყოფელის გარდა. მედეა ქვია, ამაყი და თავგასული, მშვინვიელის საყვარელი

მოგონებაა, ერთადერთია, ვინც დაუმდგარი წარსული იუკადრისა, მშვინვიელს თავი გაუტოლა და ჟამთააღმწერლის კალმისტარში მელანი დააშრო. თორემ შიდსის ნაცვლად შენივე და მოგიღებდა ბოლოს, მარგინალში ასე ეწერა, კაცის გულისთვის ნაკუნ-ნაკუნ აგჩენავდა.

გზისპირელი

(დაბნეულად)

ჟამთააღმწერლის კალმისტარში მელანი დააშრო?

დარაჯი

(ეჭვიანად)

ჟამთააღმწერელი მთვარის ერთადერთი ბინადარია, მხცოვანებით აღმემატება, დღე-ნიადაგ ფარდით ნაშენებ, უჭერო ქოხში უზის პერგამენტს, ჯღაბნის და ჯღაბნის. შენი წინამორბედნი მიმტკიცებნენ, რომ მშვინვიელი მის მუზაა. დიდი ხნის წინ ჩემს გულთმისანებს საერთო განაჩენი გამოუტანა. მხოლოდ მედეასთვის შეიწუხა თავი და განსხვავებული წიგნი მიუძღვნა. ალბათ მშვინვიელი მართლა მისი შთაგონებაა.

გზისპირელი ჩაფიქრებული ქინდრავს თავს, მედეას ზურგზე ჭიპლარს ამჩნევს, ხელს კიდებს, თვალს აყოლებს, კუბოს შეხედავს, შემდეგ დარაჯს.

დარაჯი

(დიმილით)

ეგ ჭიპლარია, გზისპირელო.

გზისპირელი

(ბაკვირვებით)

ჩემს კუბოზე რატომაა გამობმული?

დარაჯი

აქ გულთმისანებმა გადმოგასვენეს, მედეა მათ წინამძღოლობდა, ჭიპლარი შენი კუბოს საზიდად აქვს გამობმული.

გზისპირელი

(მზრუნველობით)

კიდევ სჭირდება?

დარაჯი

არა, შეგიძლია მოაშორო, მაკრატელი აგერაა, მხოლოდ მიცვალებულს შეუძლია გულთმისანის ჭიპლარი უვნებლად გადაჭრას.

გზისპირელი გახარებული სწრაფად პოულობს მაკრატელს, მიდის, იღებს და სოლთან ბრუნდება, გზად იოკასტესა და ოიდიპოსს შეხვდება, ოიდიპოსი ზურგს აქცევს იოკასტე წინ გადაუდგება.

გზისპირელი

(შფოთვით)

ესენი ვინ არიან, დარაჯო?

დარაჯი

(მშვიდად)

ეგ ქოფაკი ოიდიპოსია, შენი შვილი. ერთ ცხოვრებაში დიდებული მეფე იყავი, მაგრამ გიწინასწარმეტყველეს, რომ შეგეძინებოდა შვილი, რომელიც როცა გაიზრდებოდა მოგკლავდა შენ და შენს დედოფალს, საკუთარ დედას, ცოლად შეირთავდა. ამიტომ საკუთარი ვაჟი დაბადებისთანავე მდინარეში მოისროლე, გეგონა მოკვდა, მაგრამ გადარჩა, მწყემსმა გაზარდა და ერთ დღესაც საბედისწეროდ გადაგეყრებოდა, ისე რომ ვერც ის გიცნობდა და ვერც შენ, სიცოცხლეს გამოგასალმებდა, შენს სამეფოს დაიპყობდა საკუთარ დედას კი ჯილდოდ შეირთავდა. ახლა როცა შენ მკვდარი ხარ, მას მომავალი აღარსადაა აქვს, დადის, ბოლთას ცემს და უგზოუკვლოდ ყეფს და ვიშვიშებს. შვილი, რომელიც ვერ მოკლავს მამას, სხვების შხამად და ტვინის წამლებად გადაიქცევა. ხოლო ეგ ძროხა, მოზვერის სევდით, შენი ცოლი და დედოფალი იოკასტეა, მასზე სათქმელი ბევრი არა მაქვს.

გზისპირელი გაფითრებული ჩამოდგება, დარაჯი შეაგულიანებს.

დარაჯი

(ომახიანად)

ჭიპლარი გადაჭერი, გზისპირელო, კულმინაცია ახლოვდება!

გზისპირელი მედეასთან მიდის და ჭიპლარს ჭრის, მედეა ოთხზე დადგება და კბილებს ვეფხვივით გამოაჩენს.

მედეა

(ხელოვნურად)

ღღააააა!

შეშინებულ გზისპირელ მაკრატელი ხელიდან გაუვარდება, მედეა წრეზე სიარულს დაიწყებს თან ვეფხვის ხმით ღრიალებს, მას უკან ამოუდგება იოკასტე ღმუილით და ოიდიპოსი ყეფით.

გზისპირელი

(გაოცებით)

რას აკეთებენ, დარაჯო?!

დარაჯი

დაწერილ ისტორიას ამჟღავნებენ, გზისპირელო, უკვე დროა, რომ ჩვენც შევუერთდეთ!

დარაჯი მეორე სართულის იატაკიდან გრძელ შოლტს იღებს, ხელის სწრაფი მოძრაობით გზისპირელს ზურგთან უტყლაშუნებს, რომელიც შინდება და დარაჯისკენ ტრიალდება.

დარაჯი

(მბრძანებლურად)

ხელით სცენის იატაკზე დაგდებული იალქანისკენ ანიშნებს.

ჩქარა, აფრით მოქარგული იალქანი აღმართე, გზისპირელო!

დარაჯი შოლტს კიდევ ერთხელ აქნევს, გზისპირელი დაბნეულად, სწრაფად მიდის ჰორიზონტალურად დადებულ იალქანთან და ვერტიკალურად მართავს.

დარაჯი

(ომახიანად)

იცოდე, იალქანი ცას სწვდებოდე, მისი აფრა ღრუბლებს, როგორც პეპლებს ბადე, მუშტად უნდა ატყვევებდე!

გზისპირელი იალქანზე აფრას მართავს, დარაჯი კიდევ ერთხელ დაიქნევს შოლტს და ამჯერად სცენაზე დაგდებულ უნაგირზე ანიშნებს.

დარაჯი

აბა მარდად, გზისპირელო, უნაგირი შეიკაზმე, უმაგისოდ ხომ იცი, რომ მხედრიონებს ვერ განაგებ?!

გზისპირელი უნაგირთან იხრება, ფიცრულ ბაგას ფეხზე აყენებს, ზედ უნაგირს დებს და კაზმავს.

დარაჯი გულთისანებისკენ ტრიალდება და გარს უვლის შოლტის ტყლაშუნით.

დარაჯი

(მჭეჯარედ)

გულთისანებო, ქოთნები ჩქარა! შემოიტანეთ თქვენი სამშობლო!

ქამთააღმწერლის კალმისტარმა, სიზმარმხილველად გარდაცვალება დიდი ხანია მელნად ფურცელს სცხო!

გულთისანები ფოლადის ქოთნების უკან თავებს იატაკამდე ხრიან, გადაადგილებისას ხელ-ფეხს ხვლიკებივით მაღლიდან დგამენ სცენაზე, სცენის შუაგულისკენ მოემართებიან, თავებით უყვავილო ქოთნებს მოაცურებენ და რკალ-რიგად ამწკრივებენ.

გზისპირელი უნაგირის შეკაზმვას რჩება და გულთმისანებს შესცქერის, დარაჯი კვლავ გზისპირელს უბრუნდება.

დარაჯი

ნუ ყოვნდები, გზისპირელო, დავთრებია ასაკინძი, ჩქარა ნაშთი გამოთვალე!

გზისპირელი საქაღალდესთან იჩოქებს, ფურცლებს იღებს, ახარისხებს, კინძავს. დარაჯი დროს იხელთებს და გულთმისანებისკენ ტრიალდება.

დარაჯი

(მბრძანებლურად)

განზე გადაექით, გულთმისანებო, იატაკზე დაეყარეთ, სამშობლოს ნუ მიეჯაჭვებით, პატრიოტიზმი მონატრებაში აღმოცენდება!

გულთმისანები ქოთნებთან, ოდნავ მოშორებით, მოძლოდინედ სხდებიან, გზისპირელი ფურცლებს საქაღალდეში აბრუნებს, დარაჯი კვლავ მისკენ შოლტის ქნევით ტრიალდება.

დარაჯი

თხილის ტოტი მოიმარჯვე გზისპირელო, მენახირედ დაფასდები წკეპლის გამოთლა თუ იცი, ვიცი ძნელად გადაიტან ძროხები, რომ დაგეფანტოს, ან ხბორები გაყეყეჩდნენ!

გზისპირელი თხილის ტოტისგან, იქვე დაგდებული წალდით, წკეპლას თლის.

დარაჯი

ახლა ტყავის სავარძელი გზისპირელო, ხომ არ გინდა 1001 ცხენის ძალით გავარდნილმა ბორბალთმხვრელმა კისერსა და ხერხემალში ერთიანად გადაგტეხოს?

გზისპირელი მანქანის სავარძლის ბოლომდე გადაწეულ საზურგეს ასწორებს. დარაჯი ჯიბიდან რაღაცას იღებს და გზისპირელს უგდებას.

დარაჯი

აჰა, იღბლის საცდუნებლად კამათელიც გააგორე, ნახონ ერთი რა ბიჭი ხარ და დარწმუნდნენ, რომ შენი მარჯვენა წყვილ კამათელსაც ისე აგორებს, როგორ მარჯვედაც მთვარიან ღამით ცალთვალა გველს მოგუდავს ხოლმე!

გზისპირელი სცენის მარჯვენა კიდედთან იჩოქებს, კამათელს მუჭში იქცევს, აქნევს, ეგადგმოგდებული ეშუადება, დარაჯი ინაბება, გზისპირელი კამათელს ხელს უშვებს და სცენის შუაგულისკენ აგორებს, დარაჯი თავს გააყოლებს დახედავს და აღტაცებით გამლის მკლავებს.

დარაჯი

(აღტაცებით)

ყოჩაად! ყოჩაად, გზისპირელო! ჩემთან მოდი, მოდი გვერდი დამიმშვენე! მხედარო და მეზღვაურო, ბუღალტერო, მოთამაშე, მრბოლელო და მენახირევ, ერთი სიტყვით გზისპირელო, ასე მარჯვედ ჯერ არასდროს აღგიმართავს იალქანი!

გზისპირელი დარაჯთან მიდის, რომელიც მას გულში იკრავს, შემდეგ ხელს მკლავში კიდებს, სწრაფი ნაბიჯით მიჰყავს ნაგებობასთან, დარბაზს ზურგს აქცევენ, მესამე სართულს აშტერდებიან.

დარაჯი

(მშვიდად)

აბა, გზისპირელო, ის აქ არის! მზად ხარ მარადისობა მის მკლავებში, თმის სიმების ჟღარუნში გაიხანგრძლივო?

მშვინვიელი ფრთხილად გამოდის ოთხკარიანი ფიცრულიდან, დარაჯსა და გზისპირელს ჩუმად გახედავს, ფეხის წვერებზე აწეული, მაჯრვენა კულისში გადის.

გზისპირელი

(მოუთმენლად)

მაგ შეკითხვაზე პასუხს, დარწმუნებული ვარ, შენც და მაყურებელიც ცალსახად ხვდებით, დარაჯო.

დარაჯი

(მშვიდად)

ეგ რომ მოხდეს, მე არ უნდა მომკლა, გზისპირელო.

გზისპირელი

(გულუბრყვილოდ)

აა-ჰა-ჰა, აბა შენსავით არავის აღუმართავს იალქანიო? არ მეგონა აბუჩად კიდევ თუ ამიგდებდი, დარაჯო.

დარაჯი

(ნაღვლიანად)

აბუჩად არ გიგდებ, გზისპირელო.

გზისპირელი

(გულუბრყვილოდ)

არამგონია უხუცესი დარაჯის მოკვლა შემეძლოს.

დარაჯი

შეგიძლია!

დარაჯი ნაგებობის პირველსა და მეორე სართულს შორის დატანებულ უჯრას ალებს, სადაც სანადირო თოფი დევს ჰორიზონტალურად, კონდახით გზისპირელისაკენ. ორივე თოფს ამტერდება.

ერთხანს სიჩუმეა.

სცენის მარცხენა კულისიდან მშვინვიელი გამოყოფს თავს დასაზვერად.

გზისპირელი

(ფორიაქით)

მე არ მინდა შენი მოკვლა!

დარაჯი

(მშვიდად)

მოგინდება!

გზისპირელი

რისი გულისთვის?

დარაჯი

ვისი გულისთვის, გზისპირელო! ამბავი, რის გამოც ჩემს მოკვლას გადაწყვეტ, უკვე მოხდა, მაგრამ შენ მონაწილე ჯერ არ ყოფილხარ.

მშვინვიელი კულისიდან სცენაზე იპარება, ფეხაკრეფით მიდის პირველ - ოიდიპოსის ქოთანთან.

გზისპირელი

(დაბნეულად)

ეგ როგორ?

მშვინვიელი ფრთხილობს, ჩაცუცქული დაძვრება, ერთ-ერთ ნაწნავს თავიდან იგლეჯს და ოიდიპოსის ქოთანში რგავს.

დარაჯი

(ნადვლიანად)

დრო, მთაგრეხილად აიზბერგია, რომლის გარშემოც ოკეანე ნელ-ნელა შრება. ჩვენ აიზბერგთან იმ იმედით ვცურავთ, რომ ერთ დღესაც მწვერვალზე ავაბიჯებთ. თავად ოკეანე ჩვენი ყოფაა და ვინაიდან აიზბერგის დაპყრობა გვსურს, ქარით მოტანილ ღრუბლებს ძალდატანებული აღტაცებით ვეგებებით. იმას კი ვერ ვამჩნევთ, რომ ოკეანე სულ უფრო შრება და ფსკერისაკენ მივექანებით. წყლის ზედაპირი აწმყო გვგონია. არადა წყალგაუვალი წარსულია, რომელშიც ვცურავთ. მომავლად მწვერვალი

გვესახება, თუმცა აწმყოა. უნებლიედ წარსულში ვცხოვრობთ, გზისპირელო და აწმყო გვგონია. მომავალი კი აიზბერგის საძირკველია. ის დამდგარია. უკვე არსებობს. ოკეანე კოჭამდე კაბად შეუმოსავს და კეკლუცურად გამიშვლებას გვთხოვს. სიზმარმხილველნი ცხოვრობენ მხოლოდ მისი კალთის ქვეშ, ჩვენებურად მოცურავენი მწვერვალს კი არ მიშტერებიან, ფსკერზე ყვინთავენ. ამიტომ მათთვის ყველაფერი უცხადესია.

მშინვიელი გზას განაგრძობს, ძალიან დიდი სიფრთხილით უკვე მივიდა იოკასტესთან და მის ქოთანშიც ნაწნავი ჩაფლო, დარჩა მედეა.

დარაჯი

(ნადვლიანად)

ჟამთააღმწერელი მოქანდაკედ უზის აიზბერგს. მუზამოსილი საძირკველთან დაყუდებულა, შთაგონებად მშინვიელი აურჩევია და კალმისტარით დროს აქანდაკებს. ზუსტად ახლა, ჩვენს ზურგს უკან მშინვიელი თლილ ნაწნავებს ქოთნებში დებს. რაც აიზბერგის საძირკველია, რომლის მიჯნაზეც მე და შენ ვცურავთ.

თავს ქინდრავს.

ჟამთააღმწერელი მოქანდაკედ უზის აიზბერგს და კალმისტარით დროს აქანდაკებს..

მშინვიელი მედეასთან მიდის, უდიშის, მის ხელს ხელით იჭრს, ჭაღარა ნაწნავთან მიაქვს და ქოთანში აფლობინებს.

გზისპირელი

(ეჭვით)

მშინვიელს ხელს რატომ არ უშლი ნაწნავების ჩარგვაში?

დარაჯი

(ცრემლნარევად)

რადგან შენ გესაუბრები, გზისპირელო.

მშინვიელი ფრთხილად გადადგამს რამდენიმე ნაბიჯს და უზარმაზარ სანაყს ამოეფარება.

დარაჯი

(მშვიდად)

შეგიძლია შეტრიალდე გზისპირელო, მშინვიელი დაიმალა და ჩვენც უკვე აიზბერგის იმ მიჯნაზე ვართ, სადაც გაუმხელელი საიდუმლოები იწერებიან.

გზისპირელი ტრიალდება და ქოთნებთან მიდის, დარაჯი უძრავად დგას.

სანაყთან მიდი.

გზისპირელი სანაყთან მიდის.

მანდ ფილთაქვა დევს, აილე.

გზისპირელი დიდ ფილთაქვას ჰკიდებს ხელს ასაღებად.
მძიმეა, ორივე ხელით დაეჭიდე და ისე აიღე.

გზისპირელი ორივე ხელით ეჭიდება, მეორე ხელის მოკიდებისას სცენის მარჯვენა მხარეს იხრება, მშვინვიელს ხედავს, მშვინვიელი სწრაფად ავლებს მკლავში ხელს, უღიმის, გზისპირელი დარაჯს გახედავს, მშვინვიელი მკლავში ქაჩავს, საჩვენებელი თითი ტუჩებთან მიაქვს, გზისპირელს ძალდატანებით ახრევინებს თავს და რაღაცას ჩასჩურჩულებს.

გზისპირელი შორდება, ფილთაქვას იღებს. დარაჯი ხელს კეფაზე ისვამს, ნერვიულობას იწყებს, აშკარაა, რომ კანკალებს.

დარაჯი

(გაუბედავად)
ხანგრძლივი სიჩუმის შემდეგ.
აიღე-ე?

გზისპირელი

(სწრაფად)
ავიღე!

დარაჯი

თითქოს სადაცაა ცრემლი წასკდება.
მძიმეა-ა?

გზისპირელი

ძალიან!

დარაჯი შოლტს გაატყლაშუნებს, გულთმისანები ქოთნებზე ჩანასახის პოზაში სხდებიან სახით დარბაზისაკენ და თავებს ქინდრავენ.

დარაჯი გზისპირელისკენ ტრიალდება შარვლის ჯიბიდან სამ კონვერტს იღებს, ორს აძლევს, მეორეს კი პერანგის ქვეშ, გულში იღებს, იქ სადაც სისხლის ლაქა აქვს.

დარაჯი

(ღიმილით)

ეს წერილები კარგად შეინახე, გზისპირელო, როცა დრო მოვა ერთი მათგანი მშვინვიელს მიეცი, კიდევ 4 დარჩება დასარიგებელი. როცა შვიდივე წერილი მათ მფლობელებთან გაიგზავნება, ყველაფერი წარსულს ჩაბარდება და შეიცვლება.

დარაჯი ნაგებობასთან მიდის, მეორე სართულზე ადის, კიბიდან ნახევრად შეკერილ ჩექმას იღებს და გზისპირელს მიმართავს.

დარაჯი

(მშვიდად)

წყალი დანაყე!

გზისპირელი სანაყიდან აქამდე დამალულ სათლს იღებს, ძირს დებს, ფილთაქვას აღმართავს ძალიან ნელა და ნელადვე არტყამს სანაყში, წყლის წვეთები გადმოდის. დარაჯი მესამე სართულზე ადის და დარბაზს მიმართავს.

დარაჯი

(მჭექარე განგაშით)

სიზმარმხილველნი მუხის ტოტებზე აღბეჭდნენ ზღაპრებს ურცხვი თვალების, შეადარებდნენ მოზვერის სევდას _ გულუბრყვილო მზეს ცის კაბადონზე, მთვარისებურად ნაქარგს და ნატანჯს. მუხის ტოტებზე ნაიარევულს თქვენ შეამჩნევდით მშვინვიელის მშობიარობას, ვით ქრიზანთემის ყვავილობას შემოდგომის ცივ უდაბნოში, ვით გაზაფხულზე იასამნის უქარო რხევას. თავად კი მუხა, ვითა ფურცელი სიზმარმხილველთა, შეჭხორცებია ხეთა ქარავანს და მდგარა მყარად მართოსულობის სადარაჯოზე. სიზმარმხილველნი იყვნენ უკვდავნი, თვალთუნახავნი თუმცა კი ბრძენნი. ჯოჯოხეთის კარს მიუკაკუნეს უხსოვარ დროში და აღვივებდნენ ფურორის ალებს, შებოჭილობის სულის შებერვით. მანამ არ გალღვა ტყავი მათს ჩონჩხზედ. ხოლო როდესაც ჩონჩხმა ტყვეობას ზურგი აქცია, ცის კაბადნიდან განათლულ ბნელში დაეშვა კიბე, კიბე ზეცისა და ჩამოემხო ჯოჯოხეთის ჭაღს, უფსკრულის კიდეს. ასე, ამგვარად გონგაწყვეტილნი ჩონჩხნი ავდრისა შეუდგნენ კიბეს, კიბეს ზეცისას და მიაშურეს მზეს მთვარისებურს. რათა ემოძღვრათ ბაღნარის მკვიდრნი, რათა შეეთხზათ მათთვის სიზმრები, სამარადჟამოდ, რათა აღევგათ ბედნიერების კარიბჭის ჯაჭვი. მორჩი ნაყვას, გზისპირელოო!

გზისპირელი ჩერდება, დარაჯს ახედავს.

დარაჯი

(მშვიდად)

დადე ფილთაქვა.

დებს.

სათლი აიღე.

იღებს.

წყალი ჩაასხი.

ასხამს.

გულთმისანებს სათითაოდ შეასხი და როცა დრო მოვა მიხვდები რა ქნა. მე ჩექმა უნდა შევიკერო.

დარაჯი მესამე სართულზე დარბაზისგან ზურგით ჯდება, კერვას იწყებს. გზისპირელი იოკასტეს ასხამს წყალს, იოკასტე ჩვილივით იწყებს ტირილს, მანჭვით დგება, გზისპირელი სათლს კვლავ ავსებს და ოიდიპოსსაც ასხამს, ოიდიპოსიც ტირილითა და მანჭვით იმართება წელში. გზისპირელი უკანასკნელად მიდის წყლის ასავსებად, ის ისაა, რომ მედეას უნდა შეასხას, რომ მედეა თავად სწორდება წელში.

მედეა

(მბრძანებლურად)
წყალი არ შემასხა გზისპირელო!

გზისპირელი

(ინტერესით)
ვითომ რატომ?

მედეა

(გამომწვევად)
ჯერ დამპირდი, რომ არ შემასხამ!

გზისპირელი

დარაჯს ვკითხავ.

მედეა

კაბის აკაპიწებას იწყებს.
ნებას არ მოგცემს, ჩვენი უბეები დაისაკუთრა და არავის უთმობს.
მედეა ბოლომდე იკაპიწებს კაბას და გზისპირელს უჩვენებს.

მედეა

(გამომწვევად)
გინდა?

გზისპირელი სათლს ხელს უშვებს, შარვალზე იკიდებს ხელს და მოუთმენლად დგამს ნაბიჯს მედეასკენ. მედეა თავში ხელს კრავს, უკან ახევიწებს და თითს უქნევს, კაბას ისევ კოჭებამდე უშვებს.

მედეა

(დატუქსვით)
ჯერ უნდა მითხრა, რატომ!

გზისპირელი

(ვნებინად)

მთვარის ერთადერთი ბინა..

მელა

ღაიჩოქე!

გზისპირელი

იჩოქებს.

მთვარის ერთადერთი ბინადარი ვარ, დასაბამიდან უსტუმროდ მცხოვრებს, ერთხელ ნეტარებამ მომიკაკუნა. ყალფზე დამდგარმა შიშმა დამასწრო ჭუჭრუტანაში გახედვა, ხელის კანკალით ჩამოვწიე სახელური და კარი გავადე. ნეტარებამ წყრომით შემომხედა: ქვეყნად ამდენი სიტკბოებაა, შენ კი აქ გამოკეტილხარ და სულს დაფავო. ხელი მომკიდა, დედამიწაზე გადმომისროლა. ხმელეთზე დანარცხებული უქოლგოდ შევეჭიდე წვიმას. მთვარისა და მზის ჭიდილი ვიხილე მწუხრის ჟამს. დამე ხეტიალში გავლიე. მდინარეშიც გადავეშვი თავის მოსაკლავად, მაგრამ სიტკბოება მაინც ვერ ვიპოვნე, გული მთვარისკენ მექაჩებოდა. მდინარემ ტყის პირას გამომრიყა, სადაც ცისარტყელის ქვეშ ღობილნი ტალღებში თმას განიბანდნენ. მაშინ ვკიდე თვალი შენს მალაღფარდოვან თეძოებს, ჭაღნარევ მკერდს, მომლოდინე ყელს, უტყვ ბაგესა და მეტყველ ყვრიმალეებს და გადავწყვიტე მთვარის ერთადერთი ბინადარი, მთვარეზე აღარ დავბრუნებულყავი.

მელა ერთბაშად იწევს კაბას.

მელა

(უნებისყოფოდ)

მოდ!

გზისპირელი ღაიჩოქილივე ეცემა მელას უბეს.

მელა

აა-ჰა-ჰა, ფრთხილად შე გაუმადლო! მაგრამ იჩქარე, დარაჯი სადაცაა შეკერავს ჩექმას!

გზისპირელი დგება, მელას ხელში იყვანს, ქოთნის უკან იატაკზე ზურგით აწვენს, უუფლებს, ხვნემა ძლიერდება, მშვინვიელი სანაყიდან გამოძვრება და გზისპირელს ზურგიდან დაესხმება თავს.

მშვინვიელი

(ნიშნის მოგებით)

გაები, როგორც იქნა გზისპირელო? ახლა ჩემი ხარ, დარაჯი ჯერ ვერ დაგეხმარება!

მშვინვიელი მელას დახმარებით გზისპირელს ძირს აგდებს, მათ ოიდიპოსი და იოკასტეც უერთდებიან, გზისპირელს წრეში აქცევენ, მათი მოძრაობა ხორუმის ცეკვას

წააგავს, მსხვერპლი ხან ერთ რკალს მიაწყდება ხან მეორეს, მაგრამ გაღწევას ვერ ახერხებს, გულთმისანები მკლავებით იჭერენ, წრეს არღვევენ, სცენის ერთი კიდიდან მეორეში ფეხების თრევით დაატარებენ, ხარხარებენ, ხავიან, ბოლოს ისევ სცენის შუაგულში აგდებენ, ზედ ეხვევიან, თავს ზემოთ მისი პერანგის, ჰალსტუხისა და შარვლის ნაგლეჯებს აგდებენ, ბოლოს მის ტუფლებს და ერთ წინდას ყრიან. დარაჯი ამასობაში მორჩა კერვას და ნაგებობის მეორე სართულზე ჩექმებითა და შოლტით ხელში ღინჯად ჩამოდის. შოლტს ატყლაშუნებს.

დარაჯი

(ომახიანად)

სიზმარმხილველნო, საკმარისია!

მშვინვიელი

(მჭეხარედ)

სიზმარმხილველნო, დარაჯი გააწამეთ!

გულთმისანები, აწ უკვე სიზმარმხილველებად წოდებულები გზისპირელს თავს ანებებენ და დარაჯს უტევენ, დარაჯი სცენაზე შოლტის ქნევით ხტება, სათითაოდ დაუვლის მათ და დააშოშმინებს, გზისპირელის სხეულთან გაჩერდება, მშვინვიელს შეხედავს.

დარაჯი

(ხელოვნური სიმშვიდით)

გამარჯობა, მშვინვიელო!

მშვინვიელი

(გამომწვევად)

ვხედავ ჩექმები უკვე დაგისრულებია, წაიყვანე, რაღას უცდი.

დარაჯი გზისპირელს აყენებს, მხარზე იყრდნობს და მარცხენა კულისში გაყავს.

მშვინვიელი

(მჭახედ)

მოიცა!

დარაჯი ჩერდება, მშვინვიელი გზისპირელთან მიდის, თეთრ საცვალზე კოცნის და ტუჩსაცხს მკვეთრად ამჩნევს.

დარაჯი და გზისპირელი სცენას, მარცხენა კულისიდან ტოვებენ.

მშვინვიელი

(აღერსით)

ახლა წადით, ჩემო ძვირფასო სიზმარმხილველნო, გზისპირელი ჩემი უბის დასასაკუთრებლად უნდა მოვიდეს, გაიქცეთ!

ოიდიპოსი, მედეა და იოკასტე კულისებში გაიქცვიან, მშინვიელ სცენის კიდეზე ჩამოვდება.

მარცხენა კულისიდან გზისპირელი შემოდის, კვლავ სიზმარმხილველისგან დაფლეთილი სამოსი აცვია, მშინვიელის ნაკონი ტუჩსაცხი თეთრ საცვალზე შესამჩნევად აცხია. მხრებზე გადაკიდებული თოკებით სცენაზე მთის ბუტაფორიას მოათრევს, თოკებს იშორებს, ნაგებობის მეორე სართულზე ადის, ხელს მოაჯირს მოჰკიდებს და მშინვიელისკენ გადაეყუდება.

გზისპირელი

(თავმოძრონედ)

მშინვიელოოო! მშინვიელოოო!

მოგიტანე მთაგრეხილი, სავსე უღელტეხილებით.

მოდის სულში ჩაიკარი მწვერვალი და ჩემი გული.

ქვედაბოლოდ მოიქარგე ცისარტყელა, ვარსვლავებით.

ღრუბელნარი დაგიმშვენოს უბემ, კალთით მოარული.

მშინვიელოოო! მშინვიელოოო!

მშინვიელი წამოდგება და გზისპირელისკენ კვლავით გადადგამს ნაბიჯს. გზისპირელი მეორე სართულიდან სცენაზე ხტება.

მშინვიელი

(გამომწვევად)

ყურის დამთრობი ლომის ღრიალი შენ გეკუთვნის, გზისპირელო?

გზისპირელი

(თავმოძრონედ)

მე მეკუთვნის, მშინვიელო, ჩემო ვეფხვო! მოდი ჩემთან, შემოგარტყა გალავანი, გაგიფინო ხალიჩებად ხმელეთი და ოკეანე!

გზისპირელი ხელებს შლის ჩასახუტებლად, მშინვიელი კისკისით ჩაუვარდება მკლავებში.

მშინვიელი

(ბავშურად)

ჩემი მარტოსულობის სადარაჯოდ მოხვედი გზისპირელო?

გზისპირელი

შენი სუნთქვის ბაგეში გამოსამწყვდევად მოვედი, მშვინვიელო!

გზისპირელი კოცნას ცდილობს, მშვინვიელი ხელიდან უსხლტება, მთაგრეხილთან მიდის, მწვერვალს გულში კისკისით იკრავს, გზისპირელს ვნებიანად აშტერდება, რომელიც მისკენ დგამს ნაბიჯს, უახლოვდება, მშვინვიელი იალქანთან მირბის, აფრის წინ ჩერდება, ზურგით მიუკრობა, მშვინვიელი იალქნის მეორე მხრიდან მივა და ზურგიდან შემოხვევს მკლავებს მშვინვიელს.

მშვინვიელი

(გამომწვევად)

რა დიდებული იალქანია?

გზისპირელი

(თავმოძრონედ)

მისი კენწერო ცას სწვდება, მშვინვიელო, რომლის შემხედვარე ღრუბლები ბოღმისგან ქშენენ!

მშვინვიელი დარბაზს გახედავს და ერთი ადგილისკენ მიუთითებს.

მშვინვიელი

(ხელოვნური წუწუნით)

ის ვეშაპი ჩემს სილამაზეს ჩრდილავს, გზისპირელო!

გზისპირელი მშვინვიელს ხელს უშვებს, აფრას ასწორებს და სანადიროდ ეშაადება.

გზისპირელი

დავედევნები, კუდში ჩავავლებ, ხომალდის კიჩოს გამოვაბამ და ოკეანის ზურგზე ვახოხიალებ, მშვინვიელო!

მშვინვიელი უნაგირთან მირბის, ზედ ჯდება, გზისპირელი გაკვირვებული აყოლებს თვალს.

მშვინვიელი

მამაჩემი ჩემს უბეს არ გაგატანს!

გზისპირელი

მშვინვიელთან მიდის.

მხელრიონით მოვადგები შენი სახლის ჭიშკარს. ჭერს ცეცხლს მივცემ. კარის ზღურბლზე შემოგებებულ მამაშენს მათრახს ყბაში შემოვტყორცნი. კბილებს დავაყრევინებ. არ ვიკმარებ, ყელს გამოვჭრი. ჩემს კუნთმაგარ ფაშატზე შეგსვამ და გაგიტაცებ!

მშინველი ტუჩებს სასხვათაშორისოდ წრუპავს, მხრებს იჩეჩს, გზისპირელი კიდევ ერთხელ შეეცდება კოცნას, მაგრამ გაქცევა, იატაკზე ჩამოჯდება და საქალაქდეს დაავლებს ხელს, უაზროდ გადაფურცლავს.

მშინველი

(სასხვათაშორისოდ)

ვალეზი გვაქვს, ქირაც გადასახდელია, მაგრამ არაუშავს, სახლი რად გვინდა, მაინც არასოდეს მოდინარ!

გზისპირელი

(იმედიანად)

სამ თვეში დამაწინაურებენ. მთავარი ბუღალტერი პრემიას შემპირდა. ძალიან მალე თავისუფალი დროც გამომიჩნდება. შეიძლება კვირაში ერთი დღე დავისვენო კიდევაც.

მშინველი საქალაქდეს ჰაერში ისვრის, იქვე დაყრილ კამათელს იღებს, ხელით ათამაშებს, იატაკზე ცალი მხრით გორდება.

მშინველი

(ცრემლნარევი წყენით)

ისევ დალიე?

გზისპირელი

ზურგს აქცევს.

(მკვახედ)

დამღალე, მშინველო, სულს მიხუთავ!

მშინველი კამათელს ყრის, წკეპლას იღებს და ხელში ათამაშებს.

მშინველი

(ძალდატანებით)

იწველებიან?

გზისპირელი

მშინველისკენ ტრიალდება.

(ადტაცებით)

იწველებიან რომელია, მშინველო, ფაქიზომ წინა თვეში 33 ლიტრი რძე მოგვცა. იცი, თებრომ ხბო მოიგო.

მშინველი ერთხანს წკეპლას დახედავს, აგდება, უკბური სახით ჯდება მანქანის სავარძელში, ხელეებს მკერდზე იწყობს, შუბლს კრავს, გზისპირელს გახედავს.

მშვინვიელი

(უინტერესოდ)
შენია?

გზისპირელი

(ყყყჩურად)
ჩემია!

მშვინვიელი

მძლავრია?

გზისპირელი

1001 ცხენის ძალა აქვს, მშვინვიელო.

მშვინვიელი დგება, კულისისაკენ იღებს გეზს, გზისპირელი ზურგში ეცემა, საჯდომზე ხელს ავლებს, ქაჩავს, სავარძელზე აგდებს, შემოდან აჯდება, თავს იღლიაში აყოფინებს, ფეხებს აშლევინებს და ერთბაშად უფლება. მშვინვიელი შემზარავად იკივლებს, გზისპირელი ქოშინს იწყებს, მის სხეულზე ცურდება, იატაკზე წვება და იძინებს. სავარძელზე უღონოდ მიგდებული მშვინვიელს მუცელზე კონვერტი უდევს, გაჭირვებით დგება, ოთხკარიან ღეკორაციაში შედის და კარს ნელა ხურავს. მარცხენა კულისიდან დარაჯი შემოდის, ცალი ხელით მაგიდას მოათრევს, რომელზეც უზარმაზარი კანჭი, დიდი ღოქი, თეთრი ზეწრები, ყანწები და მაღალი საფლავის ქვა ვერტიკალურად დევს, მხრებზე ჩექმები აქვს გადაკიდებული, შოლტი მარვალზე გამოუბავს, მეორე ხელით სკამი უკავია, კულისთანვე დგამს, მაგიდას სცენის შუაგულში ღებს, გზისპირელის თავთან ჯდება და ფეხს ზურგში კრავს.

დარაჯი

(მკაცრად)
გაიღვიძე, გზისპირელო! ადექი, ჩექმები უნდა ჩამაცვა.

გზისპირელი იღვიძებს, დარაჯი ჩექმებს უწვდის, გზისპირელი მუხლებზე დგება, ართმევს და ჩაცმას იწყებს.

გზისპირელი

(ძალდატანებით)
სადმე მიღისხარ?

დარაჯი

(მშვიდად)
ერთად მივდივართ! იმქვეყნიურს უნდა ვესტუმროთ, არ მკითხო, რისთვის.

გზისპირელი შეცბუნებული აცმევს ფეხსაცმელს, დარაჯი დგება.

დარაჯი

(დამრიგებლურად)

ეს ზეწრები აიღე და ოთხკარიანი კარადის გარდა ყველაფერს ჩამოაფარე.

გზისპირელი დავალებას ასრულებს, დარაჯი ნაგებობის მესამე სართულზე აღის, ჯვრის გარშემო, ხატის მსგავს ჩარჩოს აღმართავს და ჯვარზე ეცმება.

დარაჯი

(ხმამაღლა)

მარმარილოს ქვას ამოეფარე, გზისპირელო!

გზისპირელი მარმარილოს ეფარება, ქვის წინა მხარეს მისი მდგომარე, გაღიმებული სურათი გამოიკვეთება.

მარცხენა კულისიდან იოკასტე შემოდის, სკამს მაგიდასთან აცურებს და ჯდება, მარჯვენა კულისიდან ოიდიპოსი შემოდის ერთ ხელში კონვერტი უკავია მეორეში სკამი, იოკასტეს წინ ჩერდება და კონვერტს უჩვენებს. მშვინველი თავს ოთხკარიანი ლეკორაციიდან ამოყოფს სათვალთვალოდ.

ოიდიპოსი

(პათეტიკურად)

ეს მართალია, დედა? მამა მოკვდა?

იოკასტე თანხმობის ნიშნად თავს დაუკრავს.

ოიდიპოსი

ახლა მე რა ვქნა?

იოკასტე

(ირონიულად)

პირველ რიგში, შეგიძლია დაჯდე.

ოიდიპოსი შეცბუნებული მოავლებს არე-მარეს მზერას.

ოიდიპოსი

სად უნდა დავჯდე, დედა?

იოკასტე

მაგ სკამზე, ხელში რომ გიჭირავს, ოღონდ ჯერ დადგი და მერე დაჯექი.

ოიდიპოსი

აა, ხო, სკამი მაქვს. კარგი დედა.

ოიდიპოსი სკამს მაგიდასთან დგამს, დარბაზისგან ზურგით და ჯდება.

ოიდიპოსი

დავჯექი, დედა.

იოკასტე ძალდატანებით გაუღიძუებს.

მარჯვენა კულისიდან მეღა შემოდის, მასაც ერთი ხელით კონვერტი და მეორეთი სკამი შემოაქვს, პირდაპირ მაგიდასთან მიდის, სკამს დგამს და იოკასტეს წინ ჯდება.

მეღა

(ინტერესით)

შიდსი ხო?

იოკასტე თავს თანხმობის ნიშნად დაუქნევს. მეღა ოიდიპოსს შეხედავს და იოკასტეს მიმართავს.

მეღა

ოიდიპოსი როგორ გრძნობს თავს.

იოკასტე

ნორმალურად.

მეღა

რა გეგმები აქვს?

იოკასტე

3 დღეა პურზე ჩასასვლელად ემზადება, თითქმის მზად არის.

ოიდიპოსი

თითქმის მზად ვარ, რომ პურზე ჩავიდე.

მეღა ოიდიპოსს ნაღვლიანად შეხედავს, ამასობაში იოკასტე მკერდიდან კონვერტს იღებს.

იოკასტე

(ინტრიგით)

ვერასოდეს მიხვდები ეს წერილი ვისგან მოვიდა.

მეღა

(ინტერესით)

მაშინ პირდაპირ მითხარი.

იოკასტე

შენი ძმის პირველი სიყვარული გახსოვს? დღე მუდამ მას რომ მისტიროდა და მადარებდა, მისი დარი, რომ ვეღარსად ნახა.

მედეა უსიტყვოდ აშტერდება, იოკასტე კონვერტს ხსნის და წერილის წასაკითხად ეშზადება.

ოიდიპოსი

(ამაყად)

აუცილებლად ჩავალ პურზე!

ოიდიპოსი მოწყვეტით გაიქცევა კულისებში, იოკასტე და მედეა ერთმანეთს ნაღვლიანად შეხედავენ.

იოკასტე

(მონოტონურად)

„ჩემო კეთილო, ბიძამისისგან გავიგე მისი გარდაცვალების შესახებ. სამძიმარს გიცხადებთ. ბოდიში, მოსვლას ვერ მოვახერხებ, მონასტერში ვარ, იღუმენიამ ნება არ დამრთო, რომ ქალაქში ჩამოვსულიყავი.“

მედეა

(გაოცებით)

მას, რა მონაზონი უყვარდა?

იოკასტე

შენ რა არ იცი? შენი ძმის პირველი ქალი მეძავი იყო, რომელთანაც ბიძამისმა მიიყვანა, მას კი თავდავიწყებით შეუყვარდა, იმ დღის მერე დარჩა ორგანიზმში შიღსი, გონებაში კი ცალმრივი სიყვარული, მისი სახელიც კი არ იცოდა. ის ქალი, როგორც ჩანს მონაზვნად აღიკვეცა.

მედეა

(იმედგაცრუებით)

ეჰ, წამოდი ბავშვს გავხედოთ, გზა არ აებნას.

იოკასტე და მედეა სცენს ტოვებენ. გზისპირელი ქვიდან გამოდის, მარმარილოზე მისი სურათი ქრება, სცენის კიდესთან მიდის, ძირს მოწყენილი ჯდება, ამასობაში დარაჯიც ჩამოდის, კიბეებს ნელა მიუყვება, მაგიდიდან კანჭს ლანგრით იღებს, გზისპირელთან დინჯად მიდის და წინ უდებს.

დარაჯი

(მშვიდად)
ჭამე, გზისპირელო.

გზისპირელი

(ნადვლიანად)
არ მშია.

დარაჯი

(დამაჯერებლად)
ერთი ჩაკბიჩე და მოგმივლება.

გზისპირელი კანჭს ნაჭერს აცლის და პირში იღებს, მეორესაც აყოლებს, შემდეგ მესამეს, ნელ-ნელა ტემპს უმატებს, ცოტახანში თავდაკარგული გაუმადლრად ჭამს, პირის წკლაუნითა და ხვნეშით.
დარაჯი შოლტს ხელში იმარჯვებს, ოთხკარიანი კარადისკენ ტრიალდება.

დარაჯი

(დინჯად)
მშვინვიელო, დროა, გამოდი!

მშვინვიელი კარს ნელა აღებს და გამოდის, მოწყენილია, დიდი მუცელ იაქვს, ორსულადაა, დარაჯი მას ნაგებობის მეორე სართულზე ასვლაში ეხმარება, მშვინვიელი ვერტიკალურად მდგარ კუბოში წვება.

მშვინვიელი

(მწუხარედ)
მზად ვარ.

დარაჯი შოლტს აღმართავს, მშვინვიელის თავისკენ იქნევს, კისერზე ახვევს, მშვინვიელს წამით სუნთქვა ეკრება, ყელზე შემოხვეულ შოლტს ხელებს კიდებს, დარაჯი ქაჩავს მას და სცენაზე აგდება, მშვინვიელი მუცლით ეცემა, შეშდება, დარაჯი მასთან ახლოს მიდის და შეშდება.

მარცხენა კულისიდან ოიდიპოსი, მედეა და იოკასტე სიზმარმხილველებად შემოდინან, მწკრივად ჩერდებიან.

სიზმარმხილველნი

(ერთხმად)
მგრგვინავი მღუმარების უკუნ სიბნელეში, შიშის მორევში, გაგულისებული

პატრიარქატის ტყვეობაში სულს დაფავ, მშვინვიელო. ჩვენ კი სიზმარმხილველნი ნუგეშის საცემლად გეძახით: დარაჯი კრინტს ძრავს! ნუ გეშინია! დარაჯი კრინტს ძრავს!

გზისპირელი არხინად დააბოყინებს, გამძღარი ზურგზე გადავარდება და ხვრინვას დაიწყებს.

გაშეშებული დარაჯი უეცრად მშვინვიელის მუცელს ფეხების რტყმას უწყებს ახალი ჩექმებით, მთელი ძალით ურტყამს, მშვინვიელი განუწვეტლივ მოგუდულად გმინავს. დარაჯი ამთავრებს, სწრაფად ტრიალდება, შოლტს ძირს აგდება, ჩექმებს იხდის, იქვე ყრის, კვლავ მესამე სართულზე ადის და ჯვარზე კიდევ ერთხელ ეცმება.

მას უკან ოიდიპოსი და იოკასტე მიჰყვებიან ნელი ნაბიჯით, მაკრატელს იღებენ, მესამე სართულზე აღიან, მაკრატელს ჯვარს უკნიდან ამაგრებენ, დარაჯის გვერდით ჩერდებიან. მედეა ნაგებობის მეორე სართულზე ადის, დარბაზისკენ ტრიალდება და ხელებს უბეზე იწყობს.

მშვინვიელი თავს გაჭირვებით წევს, ხელების გამოყენებით მიხობავს გზისპირელისკენ, გახობებისას მისი კაბიდან ჩვილის სხეულო გამოგორდება, რომელსაც მშვინვიელი ჭიჭლარით მიათრევს, თუმცა მალევე თავს უგონოდ აგდება იატაკზე და ითიშება.

მედეა

(შეშარავი მრისხანებით)

გზისპირელოოო!

გზისპირელი ელდანაცემივით წამობტება და მედეას ახედავს.

მედეა

(კანკალით)

მშვინვიელი.

გზისპირელი მშვინვიელს გაოგნებული შეხედავს, პირი ცხიმინი აქვს, ოთხით მიცოცდება მასთან, სხეულზე ხელს მოუსვამს, ჭიჭლარს მოაშორებს, ჩექმებს შეამჩნევს, დარაჯს ახედავს, ნაგებობის პირველ სართულთან მივა, უჯრიდან იარაღს აიღებს და დარბაზისკენ შეტრიალდება.

მესამე სართულზე, ოიდიპოსი და იოკასტე დაიხრებიან, შავ მოსასხამებს ფეხების გავლით ამოიცივამენ, ყელამდე შეიკრავენ, მოსასხამებს წინანდებურად თოკები ჭიჭლარებად აქვთ, კიდევ ორ მოსასხამს იღებენ, ერთს მედეას უგლებენ მეორე სართულზე, ერთს გზისპირელს. ისინიც იცივამენ და ასე უკავშირდებიან ოიდიპოსი და იოკასტე მედეას, ხოლო მედეა გზისპირელს თოკებით.

გზისპირელი

(ხმადაბლა)

დარაჯი გააღვიძე, მედეა.

მედეა ჭიჭლარებს მოქაჩავს, ოიდიპოსი და იოკასტე ტკივილისგან კვილს მორთავენ, ჯვარს ჩაეჭიდებიან, ბნედანაცემი დარაჯი გამოიღვიძებს, მათ მკლავებს თავს დაადრწევს და ნაგებობიდან სცენაზე გადახტება.

ოიდიპოსი და იოკასტე ჯვარს არყევენ, შემდეგ ატრიალებენ, რომლის მეორე მხრიდან მაკრატელია, მაკრატელს შლიან, მედეა ჭიჭლარებს ხელს უშვებს.

დარაჯი სცენის კიდისკენ მირბის, გზისპირელი იარაღს ტენის, დარაჯი გადატენვის ხმაზე კიდესთან იჩოქებს.

დარაჯი

(მუდარით)

არ მესროლო, გზისპირელო, გვედრები, ჟამთააღმწერელია ყველაფერში დამნაშავე, ვიცი სად არის, მასთან მიგიყვან, მე თუ მომკლავ მშვინვიელთან ვეღარ იქნები!

გზისპირელ იარაღს უმიზნებს, ესვრის, დარაჯი თავის დახრას ასწრებს, მაშინვე დგება და დარბაზში ვედრების ყვირილით გარბის.

გზისპირელი გზისპირელი სცენის კიდესთან მიდის, მედეა, ოიდიპოსი და იოკასტე მას მიჰყვებიან.

გზისპირელ კიდევ ერთხელ იღებს მიზანში დარაჯს და ესვრის, კვლავ აცილებს, დარაჯი დარბაზის კარს აღებს და გარბის, გზისპირელი, მედეა, ოიდიპოსი და იოკასტე მას უკან გაჰყვებიან.

მშვინვიელი გაჭირვებით დგება, ჩვილის უსიცოცხლო სხეული ხელში აჰყავს, ტკივილით ადის ნაგებობის მეორე სართულზე, კუბოს ხდის, ბავშვს შიგ აწვენს, თავსახურს ისევ აფარებს, მესამე სართულზე ადის და დარბაზს სასოწარკვეთილი სახით აშტერდება.

მშვინვიელი

(მწარედ)

გზისპირელი პირს აწკლაპუნებდა..

დარბაზის კარი ხმაურით იღება და იხურება, გზისპირელი შემოდის, შავი თოკებიანი მოსასხამი ადარ აცვია, ხელში თოფი უკავია, მხრებზე დარაჯის ცხედარი აქვს გადაგდებული, სცენაზე ადის, დარაჯს სანაყში სვამს, თვითონ სცენის მარჯვენა კიდესთან ჩერდება თოფმომარჯვებული და დარბაზს გახედავს.

გზისპირელი

(მთრთოლვარედ, თითქმის ყვირილით)

ბაღნარში ფოთოლი ვარდებოდა,

დაბრძენებული ხეების ცისფერი სიზმრები გატეხილ ქვათა ამაო ქშენას მიშტერებოდნენ. კამკამა მდინარეები მედგრობას ვეღარ ეგუებოდნენ.

გაბოზებული, გამხდარი იასამანი ბარდნიდა მშვენიერებას. უშემოდგომო ფოთოლთაცვენა აძლობდა მაყურებელთა მოცარულ სევდას.

ახლოვდებოდა მეძავის ქორწილი.

მედროვე ვარდები, კუჭავსილები, ჰყვოდნენ გარდასულ დროთა უფერულ დღეებს.
ჩრდილოეთიდან, ბალისკენ მიმავალ, უდაბურ ბილიკზე ჩნდებოდა ლანდი, რომელსაც
თან სღვდა ატეხილ ქართა მგრგვინავი მღუმარება.

გზისპირელი ნაბიჯს სცენის კიდისკენ დგამს, ნერვიულად სცემს ბოლთას.

გზისპირელი

მგრგვინავი მღუმარების უკუნ სიბნელეში, შიშის მორევში, გაგულისებული
მატრიარქატის..

მშვინვიელი

(მრისხანედ)

გზისპირელო, მესროლე!

გზისპირელი

ახედავს.

კი მაგრამ ჯერ მონოლოგი არ დამისრულ..

მშვინვიელი

მესროლე მეთქი!

*გზისპირელი იარაღს ტენის, უმიზნებს, ესვრის, სროლისთანავე თოფს ძირს აგდებს,
ტრიალდება და იჩოქებს.*

მშვინვიელი მესამე სართულზე შებორძიკდება და სცენაზე ჩამოვარდება.

გზისპირელი

(მოთქმით)

ისევ ითოვებს გაზაფხულზე, ჩემს ძველ ეზოში,

გადავეშვებით მე და ღამე ბაღნარის ომში.

ქარიც დასჭექავს შესაზარი, შავი ზარებით,

კვლავ დავმარცხდები, მეშინია მომენატრები.

*მშვინვიელი დგება, ფეხთან კაბა სისხლით აქვს მოსვრილი, გზისპირელისკენ
კოჭლობით მიდის.*

მემხობა თავზე, საშვილოსნოს თეთრი კედელი,

მიფატრავს აზრებს, გლოვის სიო, ხეთა მრხეველი.

სიჩუმე მიხმობს, მარადიულ დროთა მსტოვარი,

მომიყვეს სიბრძნე, მეფეთაგან დანატოვარი.

თურმე მწადია დავიმონო მათა მწვერვალი,

გარდავიცვალო და დავბადო თეთრი მერცხალი.

მათა კიბეზე ჰკიდებია თურმე ბევრს ობი,

ყოფილა კიბე მარადიულ გრძნობათა მგმობი,
შეუდგამთ ფეხი, გულუბრყვილოდ, წმინდა ტრფიალით..

*მშვინვიელი თოფს იღებს ტენის, სანაყს ესვრის, სანაყი შუაზე იხსნება, დარაჯი იატაკზე
ვარდება, შეშინებული გზისპირელი მშვინვიელისკენ ტრიალდება, სცენაზე ზის,
ხელებით ზურგს აყრდნობს.*

მშვინვიელი

(ზიზღით)

შეუდგამთ ფეხი, გულუბრყვილოდ, წმინდა ტრფიალით,
დავიწყებიათ ვისიც სწამდათ ხოტბის ფიალით.

და შენც შეშინდი, მოგერია ღრმა სინანული,
რომ დამინახე შენი სატრფო, ცრემლმორეული.

გწადიან შველა, ვახ, რომ სამველი არსაითა სჩანს,
მწვერვალის იქეთ, სიმარტოვის დაღმართი მოსჩანს.

ჩვილად ქვეულხარ, არტახები გბოჭავენ მერცხლად,
ისევ მარცხდები, გლოვისფერი გიპყრობს ეულად.

კვლავ აღსდგებიან, საშვილოსნოს თეთრი კედლები,
მოგენატრება, მჭერმეტყველი, ჩემი ხელები.

იარაღს ტენის.

მკლავი დაგლღია, გზისპირელო, თუ დარაჯი დაგიძახო?

*მშვინვიელი დაუყოვნებლივ ესვრის, გზისპირელი ასწრებს თავსა და თოფს შორის
ხელის აღმართვას, მაჯა შუბლში ხვდება, იატაკს ერთხმება და კვდება.*

*მშვინვიელი თოფს ეყრდნობა დაჭრილი ფეხის მხარეს, მის უკან კულისებიდან კვლავ შავ
მოსასხამებში, ჭიპლარ გადაბმულები, მედეა, ოიდიპოსი და იოკასტე შემოდიან, მედეა
თოკით ძირს კიდევ ერთ შავ მოსასხამს მოათრევს, ნაბიჯს მშვინვიელისკენ დგამს.*

მედეა

(დაბნეულად)

ჩვენ რაღა ვქნათ, მშვინვიელო?

*მშვინვიელი გახედავს, შემდეგ დარბაზს მოავლებს თვალს, გულთმისანებისკენ
შეტრიალდება და ნაგებობისკენ წავა.*

მშვინვიელი

(გაწონასწორებულად)

ყველა დახოცეთ!

*ოიდიპოსი, მედეა და იოკასტე მოსასხამების კალთებიდან ავტომატებს აძვრენენ, სცენის
კიდესთან მიდიან, მაყურებელს ცეცხლს უხსნიან, დიდხანს ისვრიან. ბოლოს
გზისპირელის გვამს იღებენ, კვლავ კუბოში აწვენენ, კუბოს ხურავენ და სცენას ტოვებენ.*

სცენაზე მხოლოდ მშვიდნიველი დარჩა, მესამე სართულზე, მაკრატელზეა გაცმული, ხელები სახელურებზე უღაგია, ფეხები საჭრელ პირებზე, თავი მარცხნივ აქვს ჩამოკიდებული.

მარცხენა კულისიდან რეჟისორის ასისტენტი რეჟისორს კამერიანად შემოაგორებს, ბორბლების წრივინით, რეჟისორი კამერაში იყურება და ობიექტივს ნელ-ნელა დარბაზისაკენ ატრიალებს, შემდეგ ასისტენტს ანიშნებს, რომ გაჩერდეს, დგება და ერთხანს დარბაზს მოავლებს თვალს.

რეჟისორი

(დინჯად)
რამდენია?

ასისტენტი დამსწრეთა რაოდენობას ასახელებს.

რეჟისორი

გარდაცვალების დრო და მიზეზი?

რეჟისორის ასისტენტი

(ბორძიკით)
ჯერ არ ვიცი.

რეჟისორი

ოქმი გახსენი.

ასისტენტი ბლოკნოტს ხსნის.

არქეოლოგიური გათხრების შედეგად აღმოჩენილია ამდენი ცხედარი.

გარდაცვალების დრო და მიზეზი განხილვის საგანია.

ასისტენტი ბლოკნოტს ხურავს.

არ დახურო, ჩაიწერე.

რეჟისორი გულის ჯიბიდან კონვერტს იღებს ხსნის და კითხულობს.

უპილოგი:

გლოვისფრად შემოსილი დიმიტამიანი დღის ანაზღაურებულ ზმანებაში, იქ სადაც სიზმარმხილველნი ანდაზებს თხზავდნენ, უგუნური დედაკაცების უბეებს მოწყურებული უტყვი ხელმწიფეები კი გაუგონარი მდუმარებით მჭერმეტყველებდნენ...

გლოვისფრად შემოსილი დიმიტამიანი დღის, უდიდამო ცაზე, მთვარე არ გამოცხადდა.

უმთვარო გლოვაში ჩაკარგული დღის, უმსტოვარი სიზმარმხილველნი, უგუნური დედაკაცების უბეები და მდუმარე ხელმწიფეები, საფლავის უპიროვნო ქვებად გარდაცვლილიყვნენ.

ასე, ამგვარად, მთავარი გმირი - მთვარე - უარს აცხადებს, მკაფიოდ, ჩვენთვის ამბის მბობაზე.

დღეს ზღაპარი არ იქნება, დახუჭეთ თვალები!
დახუჭეთ თვალები, ან თავად შეთხზეთ, მოქარგეთ ტუილების ჭრელი რიდე,
მივიწყებული ოცნებების, კუდიანი გორგალით!
დასასრული.

